

Mark wenɨhtl'è

John-Baptist dɔ ts'ò gode xèhoɨhwho

¹ Dɩ sɩ Nòhtsɩ Weza, Zezì-Krɩ, weghɔ godɩ nezɩ aatl'è hɔt'e. Eyɩ godɩ nezɩ sɩ dɩ hanì wexèhɔ̀wɔ:

² Nakwenàòzɔɔ Isaiah wenɨhtl'è k'e dɩ hanì dek'eèhtl'è,

“Nenakweè dɔ ɩ̀è seyatù k'eɾa ha. Nenakweè negha ts'atà nìhòzà ha,”

³ eyɩts'ɔ dɩ hanì dek'eèhtl'è,

“Ekù-ka nèk'e du hats'edù yats'ìzeh hɔt'e, ‘Gots'ò K'àowo wegħa ts'atà nìhoahzà; wegħa tɩlì ehkw'ì nɩzà aahle,’” dek'eèhtl'è.

⁴ John-Baptist dɔ k'ètaɩdzɩ ha ekù-ka nèk'e nìtɩla. Ekɔ dɔ ts'ò hadɩ, “Edek'eahɩ, naxɩnì eɩadɩ̀ aahle gà naxɩk'ètaɩdzɩ̀ adeahle, hanì-ɩ̀dè Nòhtsɩ naxɩhoɩ̀ naxɩghɔ nahoele ha,” gòhdɩ. ⁵ Judea nèk'e gots'ɔ dɔ eyɩts'ɔ Jerusalem got'ɩ̀ hazòò John-Baptist ts'ò geède. Dɔ edehoɩ̀ ghɔ hɔdegeedè tɩ'axòò Jordan-deh nɩzàa k'è tɩ yì gok'ètaɩdzɔ. ⁶ John-Baptist wegħt'òò tɩts'aadɩcho wegħà t'à hòèlɩ eyɩts'ɔ ewò wewè elɩ. Ts'aelòà eyɩts'ɔ kw'iahnɔ-dɩ hanì ghɔ shètɩ t'à eda. ⁷ John-Baptist dɔ ts'ò hadɩ, “Dɔ ɩ̀è senahk'e elɩ sɩ sek'èè nìtɩla ha hɔt'e. Wekechɩ̀tɩ̀'ì eɩiehge ha kò dɔ lahoeht'ɩ̀-le. ⁸ Sɩ sɩ tɩ t'à naxɩk'ètaɩhdzɩ̀ hɔt'e, ekò ededɩ̀ sɩ Yedàyeh Nezɩ t'à naxɩk'ètaɩdzɩ̀ ha,” John gòhdɩ.

Zezì wek'ètaɩdzɩ eyɩts'ɔ wehɩ̀ yèèhdzà

⁹ Ekɩyèè k'e Galilee nèk'e kòta Nazareth gots'ɔ Zezì eyɩ nìtɩla ekò, John-Baptist Jordan-deh nɩzàa

k'è tì yì yek'ètaìdzò. ¹⁰ Zezì tì yì gots'ò nùtla ekò yak'e ehts'òò ajà eyits'ò Yedàyeh Nezzì k'àba degoo lanu yek'e daàhtla, Zezì yaɹì. ¹¹ Yak'e gots'ò dū hats'edi hōt'e, “Nì Seza anet'e, neghōneehtò eyits'ò neghò sìghà dehwhò,” hats'edi hōt'e.

¹² Ekòet'ì Yedàyeh Nezzì ekì-ka nèk'e ts'ò yeèhɹà.

¹³ Dìenò dzeè ts'ò ekò èlì ekò wehìlì yeèhdzà. Zezì tìts'aàdìì goni aɹt'è, eyits'ò yak'eet'ì Zezì gà nègìde xè yeghò shètì gìghàdì.

Zezì t'akwelòò edecheekè gòèhtsì

¹⁴ John-Baptist wedaàtò t'axòò Zezì Galilee nèk'e ts'ò anajà, ekò Nòhtsì wegodi nezzì t'à dò ts'ò gode.

¹⁵ Dò ts'ò dū hadì, “Hòt'a Nòhtsì Wenàowoò k'èè nèhòkw'ì ha ts'ò whaà-le agòjà. Edek'eahì xè godì nezzì naxìgha ehkw'ì-ahodi welè!” gòhdì.

¹⁶ Zezì, Galilee-tì gà tabàa k'etlo ekò Simon eyits'ò wechì Andrew elèxè goaɹì. Łì-k'aadèe agùt'e t'à, mì tègeehdè ìlè. ¹⁷ Zezì gots'ò hadì, “Sek'èahdè, dò lò ààhlì anaxehle ha,” gòhdì. ¹⁸ Ekòet'ì edemì ts'òò nàlegeèhtla gà Zezì k'èè legeèhtla.

¹⁹ Eyì ts'ò k'achì ìdaà nìwà-le nùtla ekò Zebedee weza James eyits'ò wechì John goaɹì; edemì sìgehɹì ìlè. ²⁰ Ekòet'ì Zezì gots'ò hadì, “Sek'èahdè,” gòhdì t'à gìtà elà yì dò gogha eghàlageedaa xè àida agùlà gà Zezì k'èè legeèhtla.

Dò ìnhì wets'ò-èlì

²¹ Eyì t'axòò kòta Capernaum ts'ò geède. Nòhtsì Dzeè k'e, Zezì elègehde-kò goyaèhtla gà dò hoghàehtò. ²² Zezì Nòhtsì-yatì-k'èdì-dòò lanì dò hoghàehtò-le, hanìkò ededì t'asì hazòò ts'ò k'àowo lanì dò hoghàehtò ts'ìhɹò, dò Zezì weyatì

gıgha enıyiah dii. ²³ Ekııyeè k'e dọ ı̀lè ı̀nı̀ı̀ı̀ wets'ò-èı̀ı̀ eyi wheda ı̀lèè sı̀ hı̀tsaa hòt'ò whezeh xè hadı, ²⁴ “Nazareth got'ı̀ı̀ Zezi dàgọ̀le ha? Godı̀hohtsı̀ ha nı̀-aret'ı̀? Amı̀ı̀ anet'e nek'èehsọ ne. Nòhtsı̀ wets'ọ degai anet'e!” yèhdi.

²⁵ Zezi yets'ò hadı, “İ̀hı̀at'e! Weyı̀ı̀ gots'ọ xàı̀tle!” yèhdi. ²⁶ Hayèhdi t'à ı̀nı̀ı̀ı̀ hòt'ò dọ nàı̀xà xè whezeè ayı̀ı̀là gà yeyı̀ı̀ gots'ọ xàèhtla.

²⁷ Dọ hazọ̀ gıgha enıyiah t'à elets'ò hagedı, “Dàgot'ı̀ı̀-agot'ı̀? Nàowo eı̀adı k'èè hoghàgoehtọ eyıts'ọ ededi t'ası hazọ̀ ts'ò k'àowo elı ladi gode. Yati nàtsoo t'à ı̀nı̀ı̀ı̀ ts'ò gode nı̀dè gı̀k'èı̀t'e,” gedi. ²⁸ Ekòet'ı̀ı̀ Galilee nek'e hazọ̀ ts'ò wegodi dọ ta ts'ò ajà.

Zezi dọ ı̀ọ k'aat'ı̀ı̀ agoqlà

²⁹ Elègehdeè-kò gots'ọ xàgeède tı̀axọ̀ James eyıts'ọ John xè, Simon eyıts'ọ Andrew gı̀kò ts'ò geède. ³⁰ Simon wets'èkeè wemọ edı elı t'à daèhte k'e whetı Zezi ts'ò hagedı. ³¹ Eyı̀t'à Zezi yets'ò èhtla, yı̀là nı̀chı̀ gà nı̀tlaà ayı̀ı̀là. Ekòet'ı̀ı̀ k'aat'ı̀ı̀ ajà t'à weghọ shèts'ezhee goghàedi.

³² Xèhts'ò agòjà ekò dọ eyagı̀ı̀ı̀ eyıts'ọ dọ ı̀nı̀ı̀ı̀ gıts'ò-èı̀ı̀ sı̀ hazọ̀ Zezi ts'ò gogeèwa. ³³ Eyi kòta ts'ọ dọ hazọ̀ edı Zezi whedaa sı̀ ekọ enı̀tọ gà ı̀àà nègı̀de. ³⁴ Dọ ı̀ọ tàda hazọ̀ xà?aa gıts'ọ sı̀ Zezi hazọ̀ k'aat'ı̀ı̀ agoqlà. Eyıts'ọ dọ yı̀ı̀ gots'ọ ı̀nı̀ı̀ı̀ ı̀ọ xàdeèzhı̀. Zezi amı̀ı̀ ne sı̀ı̀ ı̀nı̀ı̀ı̀ gı̀k'èezọ t'à Zezi gogedeè agohı̀ı̀-ı̀e.

Zezi whatsọ̀ gò?ọọ yahtı

³⁵ Ek'èdaedzèè k'e k'omọ̀dọ̀ ı̀lè to et'ı̀ı̀ Zezi nı̀tla. Yahtı ha gowhatsọ̀ gò?ọọ ts'ò xàèhtla.

36 Eyit'à Simon eyits'ò wecheekeè eyi-le xè gihak'eet'ì. 37 Gígòhɔ̀ò ekò gɔ̀ts'ò hadi, “Dò hazòò nehak'eeget'ì,” guhdi.

38 Hanikò Zezi gots'ò hadi, “T'asìì ts'ò ats'uide, kòta nɔ̀wà-lea gòlaa ts'ò ts'uide. Ekò sɔ̀ dɔ̀ hoghàgeetɔ̀ ha; eyi gha jò ts'ò ahjà hɔ̀t'e,” gòhdi.

39 Eyit'à Zezi Galilee nèk'e kòta yàgòlaa gota k'etlò. Gɔ̀ts'ò ełègehdeè-kò gòlaa goyi dɔ̀ hoghàeetɔ̀ eyits'ò mihì lɔ̀ xàgodeèzhì.

Dò gokwò tàda t'à eyaelì

40 Dò jè gokwò tàda t'à eyaelì sɔ̀ Zezi gà nìtla. Yets'ò nàgòìhgè, yeghòndàetì, hadi, “Haneewò-ɔ̀dè k'aat'ì asìle ha dii-le,” yèhdi.

41 Zezi eyi dɔ̀ eteèt'ì nɔ̀wò t'à edilà yek'e ayìlà, hayèhdi, “Hèzè, hahwhò! K'aat'ì anede!” yèhdi.

42 Ekòet'ì wetàdaà whìle ajà xè k'aat'ì ajà.

43-44 Zezi yatì nàtsoo yeghàɔ̀ò, hayèhdi, “Nets'ò dànàhòwoo sɔ̀ dɔ̀ wɔ̀zì ts'ò haɔ̀di-le. Nek'ahoeta gha yahtì ts'àtla. Moses wenàowoò k'èè nehòhì neghò nahoezhe k'èxa yahtì t'asì negha k'eguhk'ò. Hanì-ɔ̀dè weghàà k'aat'ì anaajà sɔ̀ dɔ̀ gɔ̀k'èezò ha,” yèhdi t'axòò nayeèhà. 45 Hanikò eyi dɔ̀ naèhtla t'axòò hazòò ts'ò yeghò gode t'à dɔ̀ hazòò godì gukw'o. Eyì ts'ihɔ̀ò dɔ̀ lɔ̀ Zezi ts'ò aget'ì t'à edì kòta gòlaa sɔ̀ ts'ò ade ha dii ajà. Eyit'à edì gowhatsòò gòɔ̀ò ts'ò zò at'ì. Hanikò jàà hazòò ts'ò dɔ̀ gɔ̀ts'ò nìde.

2

Zezi dɔ̀ wekw'òò ełàɔ̀dè k'aat'ì ayìlà

1 Sìghàatìlò dzeè t'axòò Zezi k'achì kòta Capernaum nìtla. Zezi edekò nòòtla dɔ̀ gɔ̀ghòkw'o t'à,

² dọ lọ eyi nègùde. Dọ lọ t'à gòṛọ-le agòjà, enìtọ gà kò gòṛọ-le. Zezi edeyatì hoghàgoehtọ ekò ³ dọ mọhdaa dọ wekw'ọ̀ọ̀ ẹ̀lẹ̀dèe sù Zezi ts'ọ̀ geèhchì. Dọ dì k'egehte. ⁴ Hanìkò dọ lọ gonadaà nàgeèhza t'à goyageedè ha dii. Eyit'à dahmò ka dekegùchì gà xàgọ̀ṛàa k'è gogèhstì. Dọ wekw'ọ̀ọ̀ ẹ̀lẹ̀dèe tè k'e whetì xè ịzhùì dọni ts'ọ̀ hodàgeèlì gà Zezi wenadaà nègùhtì. ⁵ Zezi eyi dọ gìgha ehkw'ì-ahodì gok'èezọ t'à dọ wekw'ọ̀ọ̀ ẹ̀lẹ̀dèe ts'ọ̀ hadì, “Àgìá, nehòhùì neghọ nahoazha,” yèhdi.

⁶ Hadì t'à Nòhtsì-yatùì-k'ègedì-dọ̀ mọhdaa eyi geèhkw'ee sù hagùwọ, ⁷ “Ayì aht'e edeewọ hanì gode? Nòhtsì k'èch'a gode! Nòhtsì zọ gohòhùì goghọ nahoele họt'e,” hagùwọ.

⁸ Ekòet'ìì Zezi edets'ọ̀ inì t'à dànì ededzeè t'à nànígedèe sù gok'èezọ t'à hagòhdi, “Dànìghọ hanì nàniàhdè? ⁹ Dọ wekw'ọ̀ọ̀ ẹ̀lẹ̀dèe sù dàwets'edi nìdè denahk'e dezhi-le: ‘Nehòhùì neghọ nahoazha,’ hanì-le-ìdè ‘Nùtla gà k'ètlo.’ ¹⁰ Dì nèk'e Dọ-wet'àaṛàa-deè dọ ghọ nahoele ha weghàhòt'ọ̀ọ̀ sù wek'èahsọ̀ anaxehle ha,” gòhdi t'axọ̀ dọ wekw'ọ̀ọ̀ ẹ̀lẹ̀dèe sù ts'ọ̀ hadì, ¹¹ “Nùtla, netè nùza gà nekọ ts'ọ̀ nàtìe,” yèhdi. ¹² Eyit'à eyi dọ nùtla gà dọ hazọ̀ gonadaà detè nùza gà xàèhtla. Dọ hazọ̀ gìgha sù eniyyah t'à Nòhtsì ghàsogeedì, hagedì, “Dì lanì t'asì eniyyah ts'aṛì while,” gedì.

Levi Zezi k'èè èhtla

¹³ Zezi k'achì tabàa ts'ọ̀ èhtla ekò dọ lọ gik'èède t'à gots'ọ̀ gode xè hoghàgoehtọ. ¹⁴ Zezi ịlèa ekọ naetle ekò sọ̀mba-nàhtsì-dọ̀ Alphaeus weza Levi ladà k'e eghàlaeda yaṛì. Zezi, “Sek'ètla!” yèhdi. Eyit'à Levi nùtla gà Zezi k'èè èhtla.

15 Eyɪ tʰaxòè Zezì Levɪ wekò shètɪ ekò sòòm̩ba-nàgehtsɪ-dòè eyɪts'ò hoŋɪ-hogehtsɪ-dòè lɔ Zezì eyɪts'ò wecheekeè xè shègezhe. Dò lɔ Zezì k'èè k'egedè ìlè. 16 Nòhtsɪ-yatù-k'ègedì-dòè, Pharisee gɪlɪ sɪ Zezì sòòm̩ba-nàhtsɪ-dòè eyɪts'ò hoŋɪ-hogehtsɪ-dòè xè shètɪ gɪazɪ ekò, Zezì wecheekeè ts'ò hagedɪ, “Dànìghò Zezì sòòm̩ba-nàhtsɪ-dòè eyɪts'ò hoŋɪ-hogehtsɪ-dòè xè shètɪ?” gògedɪ.

17 Zezì ìkw'o t'à gots'ò hadɪ, “Dò hotù geedaa sɪ nàèdɪ-k'èezòò gɪgha wet'àazà nùlè, dò eyagɪlɪ sɪ nàèdɪ-k'èezòò gɪwò hɔt'e. Dò ehkw'i geedaa sɪ gɪkayahtɪ gha jò ts'ò ahjà nùlè, hanìkò hoŋɪ-hogehtsɪ-dòè gɪgha ahjà hɔt'e,” gòhdɪ.

Edets'egò ghò Zezì dageehke

18 John-Baptist wecheekeè eyɪts'ò Pharisee gɪlɪ sɪ edegegò ìlè. Eyɪt'à dò mòhdaa Zezì ts'ò hagedɪ, “John-Baptist wecheekeè edegegò, eyɪts'ò Pharisee gɪcheekeè sɪ hagetɪ. Dànìghò necheekeè edegegò-le?” gùhdɪ.

19 Zezì gots'ò hadɪ, “K'òàdzàa ìlè goxè wheda et'ì, dò gɪghò nùdee sɪ edegegò ha nì? Ìlè ne, k'òàdzàa ìlè goxè wheda et'ì edegegò ha nùlè. 20 Hanìkò ìlè dzèè k'e k'òàdzàa gɪghò wìchì ha, eyɪ dzèè k'e nùdè edegegò ha hɔt'e.

21 “Dò wɪzì goht'ò zòà k'e zèht'ìgò nètèyeèlì nùlè. Hayìlè nùdè zèht'ìgò èlèchì xè wemòò tàedlè ha. Hajà nùdè goht'ò zòà denahk'e wetàedlè ha hɔt'e. 22 Eyɪts'ò dò wɪzì jìetì wegòò hoèlɪ sɪ jìetìwò wezòà yì yeht'ì nùlè. Hayìlè nùdè jìetì wegòò ts'ìhò jìetìwò wezòà wenìtsòedlè xè jìetì xàet'ì ha, eyɪts'ò jìetìwò wezòà sɪ wedìhoè ha.

Hani ha niile jietì wegòò hoèlì jietiwò wegòò yì yeht'ì ha họt'e," Zezi hadi goxè godo.

Nòhtsì Dzeè gha K'òowo

²³ Ilaà Nòhtsì Dzeè k'e Zezi t'olà dehshee nì k'etlo. Wecheekeè gixè k'edè ekò t'olà mòhdaa gihchi. ²⁴ Pharisee gùlì sù Zezi ts'ò hagedi, "Neecheekeè gighàida! Dànighò Nòhtsì Dzeè k'e ayi wets'æt'qò sù hageh?" gùhdi.

²⁵ Zezi gots'ò hadi, "K'òowocho David ededi eyits'ò wecheekeè degeèhdi ekò ayi dàgùlaa sù wek'eyaahti-le ni? ²⁶ Abiathar yahtu-wet'aaàa-deè elì ekò David Nòhtsikò goyaèhtla gà goyi lèt'è degai whezqò sù yùrà eyits'ò mòhdaa edecheekeè goghayidi. Eyi hagejàa sù ededi gigha wets'æt'ò ilè, yahtu zò gigha lèt'è whezqò ilè," Zezi gòhdi.

²⁷ Eyits'ò dii hadi, "Nòhtsì Dzeè sù dọ gha hoèlì họt'e, dọ Nòhtsì Dzeè gha gihòèlì niile. ²⁸ Dọ-wet'aaàa-deè sù Nòhtsì Dzeè ts'ò K'òowo họt'e," gòhdi (edeghò godeè-adi).

3

¹ Sìghaiwaa t'axqò Zezi k'achì elègehdeè-kò goyaèhtla. Dọ ilè wilà eleènutsoo, eyi wheda. ² Dọ mòhdaa Zezi k'e nidahogeeza ha gùwqò t'à hotu gixoehdi, asù Nòhtsì Dzeè k'e dọ k'aat'ii ale ha sòni gùwqò. ³ Hanikò Zezi dọ wilà eleènutsoo ts'ò hadi, "Dọ hazqò ginadaà nàawo," yèhdi.

⁴ Eyi t'axqò Zezi dọ gits'ò xànegùzaa sù gots'ò hadi, "Nòhtsì Dzeè k'e ayi wets'æt'ò-le? Dọ ts'ò nezù eghàlats'eedaa, hani-le-ìdè dọ ts'ò hoila ghàlats'eedaa? Dọ edaxàts'eele hani-le-ìdè dọ ekaàts'ehwhi?" gòhdi. Hanikò Zezi ts'ò t'asagedi-le.

⁵ Zezi dọ hazòò yemòò nàgèèhzaa sù gots'ò wek'èch'a xè hotù goghàeda. Sù gikwì nàtso t'à wegħa dùi. Eyì t'axòò dọ wílà èlèènitsoo sù ts'ò hadì, “Nílà dàìchì,” yèhdì. Edílà dàìchì ts'òet'ìi wílà k'aat'ìi anajà. ⁶ Pharisee gùlù sù ekòet'ìi xàgèede, Herodian gùlù xè làà nègùde. Dànì Zezi èlàngìhwhì ha sù dọ naàhtò gìghò gòide.

Dọdeè Zezi ts'ò èlègeehtsì

⁷ Zezi ekò gots'òò naèhtlā, edecheekeè xè tabàa ts'ò ajà. Galilee nèk'e gots'ò dọ lò Zezi k'èè geède. ⁸ Zezi enìyah lò hòèhtsì ghò gùkw'o t'à dọ lò ekò nègùde. Judea nèk'e hazòò, Jerusalem gots'ò, Idumea nèk'e ts'ò, deh Jordan wetadà kòta gòlāa gots'ò, kòta Tyre eyits'ò Sìdon wemòò kòta gòlāa gots'ò, dọ lò Zezi ts'ò geède. ⁹ Sù de?òò dọ lò Zezi ts'ò èlègeehtsì t'à Zezi edecheekeè gots'ò hadì, “Èlā nechà-lea weyì whìhdaa għa ts'atā whetò aahle,” gòhdì. ¹⁰ Zezi dọ lò k'aat'ìi agoòlā t'à dọ eyaelù hazòò Zezi xèlageedi ha gùwò t'à wets'ò èlègeehtsì. ¹¹ Inìhù Zezi ge?ì nìdè wegà naget'ìi gà hòt'ò gezeh, hagedì, “Nì sù Nòhtsì Weza anet'e,” gedì yagìzeh. ¹² Hanìkò Zezi yatì nàtsoo t'à gots'ò hadì, “Amì aht'ee sù dọ ts'ò haahdì-le,” gòhdì.

Zezi edecheekeè hònò daats'ò nàke gòìhchì

¹³ Zezi shìhka dekiitlā, dọ gòìhchì sù gokayahtì t'à gits'ò nìde. ¹⁴ Dòzhì hònò-daats'ò-nàke gòìhchì, wecheekeèdeè gùlù ha agòòlā. Gìxè agèt'ì ha eyits'ò Nòhtsì Wenàowoò ghò dọ hoghàgogeehtò għa dọ ts'ò agole ha gòìhchì. ¹⁵ Eyits'ò wùzì dahxà mìnù xàdegeezhì ha goghàhò?ò. ¹⁶ Dọ hònò-daats'ò-nàke gòìhchì sù dù hagìyeh: Simon (Zezi

“Peter” yèhdi), ¹⁷ eyits'ò Zebedee weza James eyits'ò wechi John, (Zezi eyi dọ nàke Boanerges gòhdi goızı; “eezhi ts'ò dọ” gedii-agedi), ¹⁸ eyits'ò Andrew, Philip, Bartholomew, Matthew, Thomas, Alphaeus weza James, Thadiyus, Simon (“dọ edenèè ghòneètqò” wiyeh), ¹⁹ eyits'ò Zhidàà-Iscariyot, ededı sù Zezi k'aodèè gotl'aayiihtı họt'e.

Zezi eyits'ò wehıı gha k'àowo

²⁰ Zezi ìhèkò goyaèhtı, hanikò k'achı sù dọ ıọ gık'èè goyaède t'à Zezi eyits'ò wecheekeè shègezhe ha kò dii. ²¹ Wèot'ı wegodi ghò giıkw'o ekò ekò ts'ò geède. “Ezhıne whelı,” gedi nageehchı ha hogeèhdzà.

²² Nòhtsı-yatı-k'ègedı-dọ Jerusalem gots'ò eyi nègııdee sù hagedı, “Wehıı wets'ò-èl. İniıı gha k'àowo dahxà iniıı xàdeezhi at'ı,” gedi.

²³ Eyi't'à Zezi Nòhtsı-yatı-k'ègedı-dọ gokayaıhtı gà godı t'à goxè godoò hadı, “Wehıı sù ayııha iniıı xàgodeezhi niwò weli? ²⁴ K'àowocho wenèk'e dọ elets'ò xanıııza nıde k'àowocho wenèè weghò wedıhoè ha họt'e. ²⁵ Eyits'ò ìhèkò goyı dọ ełek'èch'a geeda nıde dọ gıxè hoıla agode ha. ²⁶ Eyi't'à wehıı edek'èch'a at'ı nıde ededihohtsı ha họt'e. ²⁷ Eyits'ò diı hats'edi ghò naniahde: dọ natsoo t'akwelòò dawets'eèzà lenqsıı wekò enixàts'eezhi gà wets'ò t'asıı ts'eezı ha dii. Dawets'eèzà t'axòò nıde zò wekò gots'ò t'asıı ts'eezı ha dii-le. ²⁸ Ehw'ı anaxèehsı, hoıı hazòò eyits'ò Nòhtsı k'èch'a gots'edee sù dọ ghò nahoezhe ha họt'e. ²⁹ Hanikò Yedayeh Nezıı k'èch'a gogede nıde eyi gıghò nahoezhe ha niıle. Eyi hoıı sù welò while ts'ò gık'e whezò ha họt'e,” gòhdi.

³⁰ “Inihũ wets'ò-èlĩ,” gũhdĩ ts'ihzò, Zezì hadĩ gots'ò xàyaĩhtĩ.

Zezì wemọ eyits'ọ wechike

³¹ Ekĩyee k'e Zezì wemọ eyits'ọ wechike eyi nègũde. Mòht'a nàgeèhza ts'ọ dọ ɲè wets'ọ goy-ageèhza, gots'ọ xàetlaa ayele ha. ³² Dọ Zezì wemọ geèkw'ee sù hagedĩ, “Nemọ eyits'ọ nechĩ mòht'a nàgeèhza, negezì ha gũwọ,” gũhdĩ.

³³ Zezì gots'ọ hadĩ, “Amì semọ ne? Amì sechĩ agũt'e?” gòhdĩ.

³⁴ Dọ yemọ geèkw'ee sù goghàeda, hadĩ, “Dũ sù semọ eyits'ọ sechĩ agũt'e! ³⁵ Amì Nòhtsĩ-Gotà k'èagũt'ee sù sechĩ, sedè eyits'ọ semọ agũt'e,” Zezì gòhdĩ.

4

Wet'à t'asì dehshee godì

¹ K'achĩ Zezì tabàa dọ hoghàehtọ. Sù dọ ɲọ Zezì ts'ọ ełègehde t'à Zezì elà yietla gà dọ ts'ọ gode. Dọ hazọ tabàa nàgeèhza xè egeèkw'ọ. ² Zezì t'asì ɲọ dọ hoghàehtọ eyits'ọ godì t'à goxè godo hadĩ, ³ “Seàkw'ọ! Dọ ɲè wet'à t'asì dehshee dèè k'e nèyũla. ⁴ Wet'à t'asì dehshee dèè k'e ts'ọ yeèhdè ekò mọhdaa tũ k'e nàit'ĩ t'à chĩ ɲũzà. ⁵ Mọhdaa kwe ta nàit'ĩ. Ekọ eht'è ɲọ-le t'à ɲwhà ɲànyshọ. ⁶ Sadeè sù nàtso t'à wezĩt'ọ ɲwhegọ xè ełàidè. Weghochũ nedè-le t'à whegọ ajà. ⁷ Wet'à t'asì dehshee mọhdaa ɲchìghò ta nàit'ĩ t'à ełexè dèhshọ; ɲchìghò yenahk'e nàtso t'à ełàidè, eyit'à wets'ọ t'asì dèhshọ-le. ⁸ Hanìkò mọhdaa dèè nezũ k'e nàit'ĩ. Nezũ dèhshọ eyits'ọ t'aat'ọ dèè k'e

nàitl'ù sù taènq, ek'ètaènq, hanì-le-ìdè ìlèakw'eènq deʒòatlò ts'ò xànùshq,” gòhdì goxè godò.

⁹ Eyì t'l'axqò Zezì dq ts'ò hadì, “Amì wedzì gòhù sù eèhk'w'q welì,” gòhdì.

¹⁰ Dq hazqò nageèhde t'l'axqò Zezì wecheekè hoònq-daats'ò-nàke eyìts'q dq eyù-le ìlèa gixè geèhk'w'ee sù dageehke, hagedì, “Eyì godì sù ayì awùdì?” gùhdì. ¹¹ Eyìt'à Zezì gots'ò hadì, “Naxì sù Nòhtsì Wenàowoò k'èè hòʒq k'èahsq ha naxìghàhòt'q hq't'e, hanìkò goxè aget'ì-le sù godì zq t'à gixè gohdo. ¹² Hanì-ìdè

t'aats'ò k'eeget'ì kò geʒì ha-le, eyìts'q t'aats'ò egeèhk'w'q kò, dàhodù-ahodù sù gùndè ha-le; hanì-le-ìdè edahxq gùni etadù ade xè ghoù gùghq nahoezhe ha hq't'e! ” gòhdì.

¹³ Eyì t'l'axqò Zezì gots'ò hadì, “Dànìghq godì wenìahdì-le? Hanì-ìdè dànì godì eyù-le naxìts'ò haehsù sù wenìahdì ha welì? ¹⁴ Eyì dq wet'à t'asì dehshee dèè k'e ts'ò yeèhdè sù Nòhtsì weyatì lanì hq't'e. ¹⁵ Dq mòhdaa wet'à t'asì dehshee tìlì k'e nàitl'ù lagùt'e. Nòhtsì weyatì gùkw'o ts'òet'ù wehù eyì yatì goghq yìhchì. ¹⁶ Dq mòhdaa wet'à t'asì dehshee kwe ta nàitl'ì lagùt'e. Yatì gùkw'o ts'òet'ù sù gùnà xè yatì gìhchì. ¹⁷ Hanìkò gìghochù whìle t'à whà-lea ts'ò zq gik'èè eda. Nòhtsì yatì ts'ìhʒq gùgha hoìla xè dagùza nùdè ekòet'ù wedè agehʒì. ¹⁸ Eyìts'q dq mòhdaa wet'à t'asì dehshee jchìghò ta nàitl'ì lagùt'e. Godì gùkw'o, ¹⁹ hanìkò t'asì lq ghq nàngedè, sqòmba lq eyìts'q t'asì lq gùwq t'à edeghoyageeʒà lanì geeda. Eyìt'à yatì nezù wedìhogehtsì xè t'asì nezù wùzì xàhogewhìle. ²⁰ Dq yatì gùkw'o xè edegha yatì gìhchì sù

wet'à t'asì dehshee dèè nezì k'e nàitl'ì lagùt'e. T'aatlò weghòzha ìlèè sù taenò, ek'ètaenò, hanì-le-ìdè ìlèakw'eènò wezòatì ts'ò nègùla," Zezì gòhdi.

Tlèèk'òò ìdòò dawhezo

²¹ Eyì t'axòò Zezì gots'ò hadì, "Dò wùzì tlèèk'òò yìhtà gà tò t'a nèyeechi nùlè eyits'ò daèhte t'a nèyeechi nùlè, hanìkò ìdòò dawhezoò ayehtì. ²² T'asì hazòò wègaat'ì-le sù wègaat'ì adle ha, eyits'ò t'asì deziì whelaa sù wek'èhoedzòò adle ha họt'e. ²³ Naxìdzìhk'w'òò gòhì nìdè hotù nezì aàhk'w'ò," Zezì gòhdi.

²⁴ Eyits'ò Zezì dù hadì, "Yatì aàhk'w'oo sù hotù nezì wedaàniahdè. T'asì dàhcho dò ghàahzaa sù wexèhcho naxìghòt'à ha eyits'ò wezò-àhcho naxìghòt'à ha họt'e. ²⁵ Amì t'asì lò wets'ò sù eyì wezòatì weghàzhe ha. Hanìkò amì t'asì wets'ò-le sù, t'asì lò-lea wets'ò kò eyì weghò ìchi ha họt'e," Zezì gòhdi.

K'achì wet'à t'asì dehshee godù

²⁶ Zezì k'achì gots'ò hadì, "Nòhtsì Wenàowoò k'èè hòzoò sù dù lanì họt'e: Dò wet'à t'asì dehshee dèè k'e ts'ò yeehdè. ²⁷ Eyì t'axòò lò dzeè ts'ò yek'e eghàlajda-le. Dèè k'e ayì nèyùlāa sù dèhshò, hanìkò dànì dehshee sù eyì dò yek'èezò-le. ²⁸ Ayì dèè k'e nèyùlāa sù whatsoò dehshe. T'akweìòò dèè goyì ts'ò wezìt'òà xàeshe, eyì t'axòò-ìdè t'olà dehshe eyits'ò k'òt'a wejì nechà-lea weyì whelaa sù dehshe. ²⁹ Dìdì ts'òet'ì dò xàyet'à gà hazòò nàyehtsì," Zezì hadì goxè godò.

Jìe nechà-lea wegodù

30 Zezi k'achü gots'ò hadi, “Nòhtsü Wenàowoò k'èè hòzòò sù ayì xèht'eè lanì? Godi dàhòt'ü t'à naxits'ò wek'ayahtü weli? 31 Nòhtsü Wenàowoò k'èè hòzòò sù t'asü dehshee wejia lanì họt'e. Eyì sù dọ neyiichi gà dèè goyì yüzo. 32 Eyì sù nechà ade ts'ò dehshe, eyits'ò ts'ì nechàa ihlè. Wekw'ihchü nechà dehshe t'à sagòhü nì chü wekw'ihchü k'e dageèhkwe,” gòhdi.

33 Zezi eyì godi lanü zọ t'à Nòhtsü Wenàowoò hoghàgoehtọ. T'aatlọ gınıedì ha dùi-le ts'ò Zezi goxè godo. 34 Zezi t'aats'òò godi zọ t'à dọ xè godo; godi dẹ gots'ò goıdee while. Hanikò edecheekè goxè whatsòò wheda ekò godi hazòò dàhodü-ahodü sù gots'ò yek'ayawhehtü.

Zezi nùhts'ì while ayilà

35 Eyì dzeè k'e xèhts'ò agòjà ekò Zezi edecheekè ts'ò hadi, “Inòò nats'üzè,” gòhdi. 36 Zezi hòt'a elà yì wheda ilè t'à dọ hazòò gots'òò nageèze. Dọ mòhdaa elà eyì-le t'à goxè agejà. 37 Hòtsaa gixè nùhts'ì nàtsoò agòjà. Taatü nechàa elà te at'ì ts'ihzò elà yì tì lọ ajà. 38 Hanikò Zezi idè tè k'e elà yì whetü nọ. Wecheekè ts'igüihwho, hagiühdì, “Gots'ò K'àowo, tì t'à ełàats'ede ha nìkw'o. Ngha t'asanìle nì?” giühdì.

39 Zezi nütla gà nùhts'ì eyits'ò taatü ts'ò gode hadi, “Ts'èwhü aahde!” dì. Eyit'à nùhts'ì while agòjà xè hazòò gımòò ts'ò ts'èwhü agòjà.

40 Zezi edecheekè gots'ò hadi, “Dànighọ sù dahjì? İlaà Nòhtsü ts'ò naximì nàtso-le nì?” gòhdi.

41 Zezi wecheekè sù geèhyeh t'à elets'ò hagedi, “Dü amì ne? Nùhts'ì eyits'ò taatü kò gık'üt'e,” gedì.

5

Dọ ìnhù wets'ò-èlù sù k'aat'ù ajà

¹ Eyì gotadà Gerasene nèk'e ts'ò geèze. ² Zezì tàèhtlã ts'òet'ùì dọkw'òò whelaa gots'ò dọ ìnhù wets'ò-èlù sù yeghòniitlã. ³ Eyì dọ dọkw'òò whelaa ta kwe yì nàdè. Dọ wùzì satsòt'ùì t'à kò dayeezà ha diì. ⁴ Wílà eyits'ò wekè satsòt'ùì t'à èkèet'ùì agehzi zọ ìlè, hanìkò satsòt'ùì tàyeehdlà eyits'ò satsò wekè k'e whezọọ sù nàyeezhì. Ìzhù ts'ò yùtò gha dọ hanàih̄tso gòh̄-le. ⁵ T'aats'òò kwe yì dọkw'òò whelaa ta eyits'ò shìh ta at'ì. Naidzeh xè kwe t'à nàdet'à.

⁶ Sìghaiwàà gots'ò Zezì ezì ekò yets'ò tùmòehza gà yets'ò nàgòìghè. ⁷⁻⁸ Zezì yets'ò hadì, “Ìnhù, di dọ yì gots'ò xàitlè,” yèhdì. Eyit'à eyì dọ hòt'ò ezech xè hadì, “Zezì, Nòhtsì wenahk'e gòh̄-le Weza, ayìha sek'alaawo. Nòhtsì wùzì dahxà hoilà asùle ha-le gha neyatì seghàizà,” yèhdì ezech.

⁹ Zezì dayeehke, “Dànìyeh?” yèhdì.

“Ìnhù lọ sets'ò-èlù t'à, 'Lọ' sìyeh,” dọ hadì. ¹⁰ Eyì dọ k'èdaà Zezì ghòndàetì, hadì, “Jọ nèè gots'ò t'asù agoìle-le,” yèhdì.

¹¹ Ekìyèè gọqwà-lea shìhka gogòò lọ shègezhe ìlè. ¹² Ìnhù Zezì ghòndàageetì “Gogòò yì ts'ò agoìle,” gùhdì. ¹³ Zezì gots'ò hadì, “Giyì ts'ò aahde,” gòhdì. Ìnhù dọ yì gots'ò xàgùde gà gogòò yì gùde. Gogòò nàke-lemì laàtlọ họt'e ìlè. Gogòò hazọò shìh danùchàa gots'ò ìzhù nìgọòzàa ts'ò tì yì lègeehza t'à èlàgùdè.

¹⁴ Dọ gogòò k'ègedì gùlù sù natùmògeehde. Gixè dàgòjàa sù kòta yàgòlaa hazọò dọ ts'ò hagedì. Eyit'à dọ hazọò dàgòjàa sù gezi ha gùwọ t'à ekọ geède.

³⁰ Ekòet'ìì Zezì t'asìì nàtsoo weyìì gots'ò xàìwo yek'èhoèhà t'à, dọ nì ets'aèhtlà gà hadì, “Amì sezeè daachì?” gòhdi.

³¹ Wecheekeè hagùhdi, “Dọ lọ nets'agehtsì wek'èìzọ, hanìkò, ‘Amì daseachì, nùdi,” gùhdi.

³² Hanìkò Zezì amìì dayaachìì sù ìl̀àà edemọ̀ò yekak'eèt'ì. ³³ Eyì ts'èko wexè dàgòj̀àa sù yek'èezọ t'à Zezì gà nàgòìhgè. Sù deji t'à ts'eh̀ lat'ì, wets'ò d̀ànàhòwoo sù yeghọ ehkw'ì xàyaìhtì. ³⁴ Zezì yets'ò hadì, “Ts'èko, negha ehkw'ì-ahodì t'à k'aàt'ìì anejà. Nàìtlè, nexè sìghà welè, eyìts'ò ayì t'à daneezaa sù neghọ whìle awede,” yèhdi.

³⁵ Ìl̀àà Zezì gode ekò elègehdeè-kò gha k'àowo Jairus wekò gots'ò dọ m̀òhdaa eyì nègùde, Jairus ts'ò hagedì, “Netì el̀ajwo. Gots'ò K'àowo nekò nàwetl̀a-le kò,” gùhdi.

³⁶ D̀agedù sù Zezì gots'ò nìzà-le, Jairus ts'ò hadì, “Nùjì-le! Negha ehkw'ì-ahodì zọ welè,” yèhdi.

³⁷ Zezì dọ wùzìì edexè ayìl̀l̀a-le; wecheekeè Peter, James eyìts'ò James wechì John eyì zọ edexè agòòl̀à. ³⁸ Jairus wekò nègùde ekò dọ lọ t'eekea ghọ hòt'ò getse t'à nàdahoowo nọ̀. ³⁹ Zezì goyaèhtl̀a gà gots'ò hadì, “Ayìha tse t'à nàdahoowo? T'eekea el̀ajwo nùle, ekì whet̀ họt'e,” gòhdi. ⁴⁰ Hanìkò dọ gìghaedl̀ò.

Dọ hazọ̀ m̀òht'a xàgoèhà t'axọ̀ t'eekea wetà, wemọ eyìts'ò wecheekeè tai xè, edù t'eekea whet̀ ts'ò edexè agòòl̀à. ⁴¹ Zezì t'eekea wìl̀a nùchì gà yets'ò hadì, “Talitha kòum!” yèhdi. (“T'eekea nùt̀l̀a nèehsì,” hadìì-adì.) ⁴² Ekòet'ìì eyì t'eekea (hòònọ-daats'ò-nàke wegghò sù) nùt̀l̀a gà k'etl̀ò. Dọ sù gìgha enùyah diì. ⁴³ Hanìkò Zezì, “Eyì ghọ dọ wùzìì

ts'ò haahdi-le,” gòhdi t'axòò hadi, “Yeghò shètì weghàahdi,” gòhdi.

6

Xàè wèot'ì ehkw'ì adi gùhwhò-le

¹ Zezi edecheekeè xè ekò gots'òò naèhtla gà kòta dèzhòò sù ts'ò anajà. ² Nòhtsì Dzeè k'e elègehdeè-kò dò hoghàehtò. Dànì gots'ò gòide t'à sù gìgha enìyah lanì, elets'ò hagedì, “Amì hanì eghàlaeda ha yeghàhòìzò? Dànìt'à dù dò sù gòzòzò xè enìyah hohtsì? ³ Dechì-eghàlaedaa-dòò elì-le nì? Wemò Mary wìyeh nì? Eyits'ò wechì James, Joseph, Simon eyits'ò Zhidàà agùt'e-le nì? Eyits'ò wedè gota nàgedè-le nì?” elets'ò hagedì t'à weghò gik'èch'a agejà.

⁴ Eyit'à Zezi gots'ò hadì, “Nakwenàòzòò wekòta gots'ò dò eyits'ò xàè wèot'ì zò dò gùt'ì nùle,” gòhdi. ⁵ Eyit'à ekò enìyah lò hohtsì ha diì. Dò eyagùlù lò-lea zò edilà gok'e ayìlà gà k'aat'ì agòòlà. ⁶ Zezi, dò gìgha ehkw'ì-ahodi-le t'à sù wegga enìyah diì. Eyì t'axòò eyì nèk'e kòta hazòò nàèhtla.

Zezi edecheekeè kòta gòlaa ts'ò goèh?à

⁷ Zezi edecheekeè hoònò-daats'ò-nàke gokayahtì t'à, làà nègùde. Inìhù dò yì gots'ò xàdegeezhì ha goghàhòìzò eyits'ò wecheekeè hazòò nàke elèxè agèt'ì xè kòta yàgòlaa ts'ò goèh?à.

⁸ Dù yatì goghàzò, hadì, “Ekò k'eahdè nùdè t'asì wùzì k'eahle-le, tèh zò k'eahtì. Lèt'è, tehmi, eyits'ò sqòmbawò k'eahle-le. ⁹ Ke t'à-aah't'ì, hanikò goht'ò weyì aahkw'e zò t'à-aah't'ì. ¹⁰ Amì wegà aah't'e ha sù naahdè gots'ò wekò aah't'e. ¹¹ Kòta ts'ò dò naxìgùwò-le nùdè eyits'ò naxìgeèhkw'ò-le

nɔdè, naahdè kwe gɔkòta ts'ò ehtl'è naxikè-tl'a while aahle (eyɔ weghàà ekò-le eghàlageeda gɔk'e nɔdahoahzà gɔk'èezòò ageahle ha),” Zezi hagòhdi.

¹² Eyit'à wecheekeè eyɔ nèk'e k'egiadè eyits'ò dɔ hazòò ts'ò hagedi, “Edek'eahlɔ xè naxinì eladɔ aahle,” gògedi. ¹³ Dɔ lɔ gots'ò ɔnɔhɔ xàdegeèzhì eyits'ò degai-tlèè dɔ eyaelɔ lɔ k'e agɔlà xè k'aat'ì agogɔlà.

John-Baptist elàgɔhwho

¹⁴ Zezi wegodi eyɔ nèk'e hazòò ts'ò ajà t'à k'àowocho Herod yeghò ɔkw'o. Dɔ mòhdaa Zezi ghò hagedi, “John-Baptist naidà at'ɔ, eyit'à enɔyah lɔ hohtsɔ,” gedi.

¹⁵ Dɔ mòhdaa, “Nakwenàozòò Elijah at'ɔ,” gedi, eyits'ò ɔlàà dɔ mòhdaa, “T'akwe whaà gots'ò nakwenàozòò at'ɔ,” gedi.

¹⁶ Eyit'à k'àowocho Herod yeghò ɔkw'o ekò hadi, “John-Baptist wekwì k'egɔhkà ahlà ɔlè naidà at'ɔ ne!” hadi.

¹⁷ Eyɔ kwe k'àowocho Herod weyatù k'e John-Baptist dagɔchì, wegòò elèetl'ɔ xè dɔ-danɔlɔaa-kò nègɔhtɔ ɔlè. Herod edechi Philip wets'èkeè Herodias xè honɔdzaa sɔ yets'ihzòò hanì eghàlɔdà ɔlè. ¹⁸ John-Baptist yets'ò dɔ hadi ɔlè: “Nechi wets'èkeè xè nàqdeè sɔ wets'æt'ò hɔt'e,” yèhdi ɔlè. ¹⁹⁻²⁰ Herodias John-Baptist dzahwhò t'à, elàawɔ ha yɔhwhò, hanikò Herod John-Baptist ts'ajeɔ t'à hayele ha dii. John-Baptist dɔ degai elɔ xè ehkw'ɔ eda yek'èezò t'à elàawɔ ch'à yek'èdì ɔlè. John-Baptist gode yeèhk'ò nɔdè yeniedì ha wegaha dezhi, hanikò ɔlàà yeèhk'ò wegaha nezɔ.

21 K'òt'a k'àowochò Herod wedzèè k'e Herodias wini k'èè agòjà. K'àowochò Herod edecheekeèdèè hazòò, wets'ò eghòò-dòò gha k'àowo hazòò eyits'ò Galilee nèk'e gha k'aodèè hazòò gogha nàsìdèè whehtsì. 22 Ekìiyèè k'e Herodias weti goyaèhtlà, Herod eyits'ò dò hazòò yexè shègezhee sù gogha datlò.

Herod eyits'ò dò hazòò gha nezì at'ì t'à, Herod t'eekea ts'ò hadì, “Ayì neewòò sù neghàehzà ha,” yèhdi. 23 Herod edeyatù nàtsoo t'eekea ghàìzò, hayèhdi, “Ayì neewòò sù sùkè nìdè sets'ò dèè tanì ts'ò kò neghàehzà ha,” yèhdi.

24 T'eekea edemò ts'ò èhtlà, hayèhdi, “Ayì weehkè lì?” yèhdi.

Herodias hayèhdi, “ ‘John-Baptist wekwì de-hwhò, wìdì,” yèhdi.

25 Ekòet'ì t'eekea k'àowochò Herod ts'ò naèhtlà gà yets'ò hadì, “Dù-t'ì John-Baptist wekwì kw'à k'e whezòò seghàhge,” yèhdi.

26 K'àowochò Herod sù yek'eelì, hanikò hòt'a dò hazòò yexè shègezhee sù gidaà yatì nàtsoo whehtsì t'à, ìle yèhdi ha nìwò-le. 27 Ekòet'ì Herod eghòò-dòò ts'ò hadì, “John-Baptist wekwì jò-ìchì,” yèhdi. Eyit'à eghòò-dòò dò-danìlala-kò John-Baptist wekwì k'ùhkà 28 gà kw'à k'e nèyèèchì. T'eekea ghàyùhgè, eyits'ò t'eekea edemò ghàyùhgè. 29 John-Baptist wecheekeè gìghòkw'o ekò wekw'òò negùchì, eyì t'axòò kwe yì wekw'òò whetò agìlà.

Zezi dò lò wànùdì

30 Zezi wecheekeèdèè kòta hazòò k'egiadè t'axòò Zezi ghò làà nègùde, ayì dàgùlala eyits'ò dànì dò hoghàgehtòò sù hazòò gìts'ò hadì. 31 Sù dò lò

gots'ò aget'ı t'à Zezi eyits'ò wecheekeè shègezhe ha kò gıgha hòzò-le. Eyıt'à Zezi edecheekeè ts'ò hadı, “Gowhatsòò gòzòò ts'ò ats'ııde, ekò łatsaa na-hoahzi,” gòhdi.

³² Eyıt'à elà yì gıde gà gowhatsòò gòzòò ts'ò geèze. ³³ Hanikò dọ lọ gogıazı sıı amıı agııt'ee gok'ègeezò t'à, kòta hazòò gots'ò dọ Galılee-tı we-tadà tımògeède. Zezi wecheekeè ekò nègııze kwe-t'ıı dọ ekò nègııde. ³⁴ Zezi edecheekeè xè ııòò tàwheze ekò dọ lọ elèwhede goazı. Sahzòà gık'èhodı-le lagııt'e t'à, Zezi ededzee t'à etegoòhı. Gots'ò gode eyits'ò t'asıı lọ hoghàgoèhtò.

³⁵ Xèts'ò agodaade t'à Zezi wecheekeè gıgà nııde, hagiıhdı, “Hòt'a dzè k'ehòqwo eyits'ò kòta gòlaa ts'ò gòqòwà agòht'e t'à, ³⁶ dọ hazòò edegha weghò shèts'ezhee nàgeehdi ha kòta gòlaa ts'ò nagııhà,” giıhdı.

³⁷ Hanikò Zezi gots'ò hadı, “Naxı t'asıı gıghàahdı.”

Wecheekeè gıts'ò hadı, “Gıgha lèt'è nàts'eèhdi nııdè, ek'èdı sa eghàlats'ııdà xètłò sòqumba wek'ehowı ha. Shègezhe gha, sòqumba haàtlòq wek'ehots'ehwhı ha neewò nıı?” giıhdı.

³⁸ Zezi gots'ò hadı, “Lèt'è dàtlò naxıts'ò?” gòhdi.

Gık'aèhtò t'axòò Zezi ts'ò hagedı, “Lèt'è sıılà eyits'ò hwe nàke gots'ò,” giıhdı.

³⁹ Zezi edecheekeè gots'ò hadı, “Dọ hazòò lèà t'oh k'e geèhk'w'eè agıahle,” gòhdi. ⁴⁰ Eyıt'à dọ mòhdaa ııèakw'eènò elèxè geèhk'w'e eyits'ò mòhdaa sıılàènò elèxè geèhk'w'eè agogıılà. ⁴¹ Eyı t'axòò lèt'è sıılà eyits'ò hwe nàke neyııwa, ııdòò yak'e ts'ò k'et'ıı xè yek'eèyaıhtı. Lèt'è nechà-lea tàyııhdla gà dọ gotaàgeedi ha edecheekeè goghàyııwa. ⁴² Dọ

hazòò gıgha hòt'a ts'ò shègıazhe. ⁴³ Eyı t'l'axòò Zezı wecheekeè lèt'è eyıts'ò lıwe weghàhoòwoo sıı t'l'ohıò hoònò-daats'ò-nàke dagoòzò nàgèhtsı. ⁴⁴ Dòzhı sılài-lemı (5,000) shègıazhe.

Zezı tı ka k'etlò

⁴⁵ Zezı dò hazòò wànıdı t'l'axòò edecheekeè gots'ò hadı, “Elà t'à senakweè ınòò kòta Bethsaida ts'ò naahzè,” gòhdı. Ededı ıdè àıda, dò hazòò nageèhdeè agòòlà. ⁴⁶ Eyı gots'ò naèhtla gà yahtı ha shıhka dekıtla.

⁴⁷ Togoòt'l'ò agòjà ekò elà ıkwè nıwà ajà, hanıkò Zezı ılaà dèè k'e àıda. ⁴⁸ Zezı wecheekeè gınhdòò nawhets'ı t'à hòt'l'ò egeet'òò goazı. Totanı daats'ò tai nızò hanı-le-ıdè ek'ètai ekııyeè k'e Zezı tı ka edecheekeè gots'ò naetle ekò gozòò naetla ha ıle. ⁴⁹ Hanıkò wecheekeè tı ka naetle gıazı ekò dòts'ıı at'ı gıwò t'à hazòò hòt'l'ò gezeh. ⁵⁰ Hazòò gıazı t'à sıı dègèhyeh.

Ekòet'ıı Zezı gots'ò hadı, “Naxıdzeè nàtsoò aahle. Sı aht'ı. Dahıı-le,” gòhdı. ⁵¹ Goga elà yıetla et'ıı nıhts'ı whıle agòjà. Wecheekeè sıı gıgha enııyah dıı. ⁵² Gıdzeè yıekw'ı ha gıgha dezhi t'à lèt'è lò whehtsıı sıı weghàà dò dàhòt'ıı elıı gıııedı-le.

⁵³ ınòò tàgèèze ekò Genesaret nèk'e dàgèède gà tabàa elà dàgèèzà. ⁵⁴ Elà yıı xàgııde ts'òet'ıı dò Zezı nàgèèzhı. ⁵⁵ Zezı ekò nııtla ghò dò ts'ò hagedı ha eyı nèk'e hazòò ts'ò natıımògııde. Eyıt'à Zezı edıı whedaa sıı dò eyagıııı te k'e whete gıts'ò agehıı. ⁵⁶ Eyı nèk'e edıı k'etlòo sıı kòta yàgòlaa eyıts'ò edıı dò nàdèe sıı dò eyaelıı tıı k'e nègele. Gıghònadaetıı, hagııhdı, “Dò eyagıııı nezeè welò zò kò dageechıı

agùle,” gùhdi. Eyit'à dọ hazọọ Zezì wezeè xèlagìdù sù k'aat'ù agejà.

7

Hołù nàowoò godzeè yù gots'ọ at'ì

¹ Pharisee gùlù eyits'ọ Nòhtsì-yatù-k'ègedì-dọọ mọhdaa Jerusalem gots'ọ nègùdee sù Zezì wemọọ nègùde. ² Zezì wecheekeè mọhdaa shègezhe kwe edilà k'enagehtse-le gogìàzì, eyit'à wecheekeè gilà “degai nùile” k'èè gogìhtà. ³ (Pharisee gùlù eyits'ọ Israel got'ù gìgha k'aodèe hazọọ gìcho gìnàowoò k'ègedì ha gùwọ t'à nàowo degai get'ì k'èè shègezhe kwe t'aats'ọọ edilà k'enagehtse. ⁴ Nàedi k'è gots'ọ nagùdè nùdè t'aats'ọọ shègezhe kwe edilà k'enagehtse. Nàowo eyì lahot'ù lọ k'ègedì, gìnàowoò k'èè libò, tọ eyits'ọ lùhtọ k'enagehtse.)

⁵ Eyit'à Pharisee gùlù eyits'ọ Nòhtsì-yatù-k'ègedì-dọọ Zezì ts'ọ hagedì, “Dàniğhọ necheekeè gocho gìnàowoò k'èè geeda-le? Edilà 'degai' agùlìlè-le et'ù shègezhe,” gùhdi.

⁶ Zezì gots'ọ hadì, “Degai daahstì kò wek'èè aahda nùile! Nakwenàozọọ Isaiah dànì naxìghọ ùt'è sù ehkw'ì adì jìlè. Dì hadì dek'eèht'è:

'Du dọ xàgèzàa sù edeyatù zọ t'à sets'ọ nezù agedì, hanikò ededzeè t'à sets'ọnegùzà-le. ⁷ Ededì nàowo gehtsù t'à hoghàgogeehtọ; gìgha ìka while kò sets'ọ yagehtì,' Isaiah hadì jìlè.

⁸ Dọ gìnàowoò k'èè eghàlaahda t'à Nòhtsì Wenàowoò nahk'e wet'àazà dahwhọ.

⁹ “Nàahzì laah'ì! Whatsọọ naxìnàowoò k'èahdì ha dahwhọ t'à, Nòhtsì nàowoò wedẹ aahlà!

¹⁰ Moses dì hadì jìlè, 'Naxìtà eyits'ọ naxìmọ gits'ọ

nezì aahda,' eyits'ò 'Amì edetà eyits'ò edemò gots'ò ìch'e xè gots'ò nàdahozàa sù èlààwèahwhì ha hòt'e,' dek'eèht'è. ¹¹ Hanìkò naxì dū haahdì: 'Dò edetà eyits'ò edemò gots'ò dū hadì ha hòt'e: Wet'à naxìts'àhdì ha jìèè sù eyì Corban hòt'e,' haahdì. ('Corban,' gedì nìdè 'Nòhtsì wegħa whezò ahlà,' gedì-agedì.) ¹² Haahdì t'à eyì dò yet'à edèot'ì ts'àdì-le kò dahdì hòt'e. ¹³ Dò għa hanì nàowo aahtsì t'à Nòhtsì weyatù wedè aahzì. Eyits'ò eyì lanù lò k'alaahdè," Zezì gòhdì.

¹⁴ K'achì Zezì dò hazòò gokayahtì gà gots'ò hadì, "Seàhkw'ò, ayì dàehsù sù wedaànlahdè. ¹⁵⁻¹⁶ Dò t'asì edeyì ayeħzù sù yet'à 'degaì elì-le' ade ha nùle, hanìkò weyì gots'ò ayì xàewì sù yet'à 'degaì elì-le' ade ha hòt'e," gòhdì.

¹⁷ Eyì t'axòò Zezì dò hazòò gots'ò naèhtlà gà edù kò naetee sù goyaèhtlà. Wecheekè dageehke, "Eyì haìdù sù ayì awùdì," gùhdì. ¹⁸ Zezì gots'ò hadì, "Naxìkwì jàà dezhì nì? Ayì awèehsù sù jàà wek'èahsò-le nì? Ayì gowà yì at'ù sù wet'à 'degaì ts'ùlì-le' ats'ede ha nùle. ¹⁹ Ayì gowà yìekw'ù sù godzeè ts'ò at'ì nùle, hanìkò gobò yì at'ì, eyì t'axòò-ìdè gobò yì gots'ò gozò at'ì," gòhdì. (Zezì hadì t'à wegħò shèt's'ezhee sù hazòò nezì hòt'e dū-adì.)

²⁰ Eyits'ò Zezì hadì, "Dò wedzeè yì gots'ò ayì xàdeewì sù yet'à 'degaì elì-le' hòt'e. ²¹ Nàowòhù t'à nànts'ewoo sù godzeè yì gots'ò at'ì hòt'e. Godzeè t'à dū hanì nanìts'edè: gozhù t'à hoħù k'alats'edèè, ets'eezù, dò èlààts'ehwhù, èlexè hoħù hots'ehtsù, ²² ets'edì-le, hoħù k'èè k'ehots'ezaa, èlēghoyats'eezàa, t'asìjù ghò nànts'edèè, èlēghò ts'ohots'eedù, ehìzì jù ts'ehtsù, xàhots'edì, eyits'ò

ezhıne k'èè k'ehots'ezaa. ²³ Hanı nàowohı hazòò dọ yì gots'ò họt'e, eyi wet'à dọ 'degai elı-le' họt'e," gòhdi.

Greece got'ı̀ gots'ò ts'èko

²⁴ Zezi eyi gots'òò naèhtla, kòta Tyre wemòò kòta gòlaa ts'ò ajà. Ekò kò goyaèhtla, eyi whedaa sù dọ wı̀zı̀ yek'èezò ha-le nıwò, hanikò ı̀laà dọ gı̀k'èhoèhzà. ²⁵ Ts'èko ı̀lè weti ı̀nı̀hı̀ wets'ò-èlı̀ t'à eyaelı̀ sù Zezi eyi wheda ghò ı̀kw'o et'ı̀ yets'ò èhtla gà yegà nàgòı̀hgè. ²⁶ Eyı ts'èko sù Greece got'ı̀ họt'e, kòta Syrian-Phoenicia ekò dọ elı họt'e. Zezi ghonàdaeti, hadı, "Sets'ò K'àowo, seti ı̀nı̀hı̀ wets'ò-èlı̀ sù xàdı̀zhi," yèhdi.

²⁷ Zezi yets'ò hadı, "T'akwełòò chekoa shègezhe ha họt'e. Chekoa gı̀lèt'è gı̀ghò nets'ı̀ichı̀ gà tı̀ ts'ò ts'ehk'aa sù ehkw'ı̀ nı̀le," yèhdi.

²⁸ Ts'èko yets'ò hadı, "Sets'ò K'àowo, ehkw'ı̀ aı̀dı, hanikò tı̀ kò chekoa gı̀ladà tı̀'a gots'ò lèt'ègwı̀a gedè họt'e," yèhdi.

²⁹ Zezi yets'ò hadı, "Hani xàyanehı t'à, hòt'a nekò ts'ò nı̀tłe; ı̀nı̀hı̀ neti ts'òò ajà," yèhdi.

³⁰ Edekò nòòtla ekò weti ı̀nı̀hı̀ wets'ò-èlı̀-le xè daèhte k'e whetı̀ nòò.

Dọ wedzı̀ goile xè gode-le k'àat'ı̀ ajà

³¹ Eyı tı̀axòò Zezi kòta Tyre wemòò kòta gòlaa ts'òò naèhtla eyıts'ò kòta Sidon gok'ı̀ıtla. Galilee-ti ts'ò ajà eyıts'ò Decapolis kòta gòlaa ekı̀yèè sı ajà. ³² Ekò dọ wedzı̀ goile xè nezı̀ gode ha dı̀ sù wets'ò nègeèchı̀. Zezi ghonàdageeti, hagedı, "Dı̀ dọ nı̀là wek'e aale," gı̀hdi.

³³ Zezi eyi dọ whatsqò nèyùhtı gà edelakw'òò wedziùhk'w'òò yù ayìlà. Eyı t'axòò dèze gà edelakw'òò dọ wewalù k'e ayìlà. ³⁴ İdòo yak'e ts'ò k'et'ı, hòt'ò dèhı xè yets'ò hadı, “Efata!” yèhdı. (“Efata,” gedı nıdè “Nedzi xàgòqzà awede,” gedı-agedı hõt'e.) ³⁵ Ekòet'ı eyı dọ nezı eèhk'w'òò ajà eyıts'ò wewalù t'à nezı godeè ajà.

³⁶ Eyı t'axòò Zezi dọ gots'ò hadı, “Dı weghò dọ wızi ts'ò haahdı-le,” gòhdı. Hanıkò k'èdaà hagòhdı kò k'èdaà gıghò gode. ³⁷ Dọ sù gıgha enıyah t'à, hagedı, “Enıyah lò hòèhtı. Dọ gıdzı goilee sù egeèhk'w'òò agohı eyıts'ò dọ gogede-le sù gogedeè agohı,” gedı.

8

Zezi k'achı dọ lọ wànuđı

¹ Ekiyeè k'e k'achı Zezi wegà dọ lọ elèwhede. Dọ weghò shèt'sezhee gıts'ò-le t'à, Zezi edecheekè gokayahtı hadı, ² “Dı dọ sedzeè t'à etegeèhı. Taı dzeè sexè giakw'è, hanıkò t'ası wızi gıwàhòqđı-le. ³ Dọ mòhdaa gòqwa gots'òaget'ı t'à bò dẹ nageedè agèlà nıdè degeèhdı t'à nàgeet'ı ha sòı,” gòhdı.

⁴ Wecheekè gıts'ò hadı, “Kòta gòlaa ts'ò gòqwa agòht'e, eyıt'à edı gots'ò dọ gıgha lèt'è deghàa nàts'eèhdı ha?” gedı.

⁵ Zezi gots'ò hadı, “Lèt'è dàlq naxıts'ò?”

“Lèt'è lòhdı,” gùhdı.

⁶ Zezi dọ hazòò, “Dèè k'e dahkw'e,” gòhdı. Eyı t'axòò Zezi lèt'è lòhdı neyüwa gà yek'eèyahı. Lèt'è tàyızhı gà dọ gotaàgeedı ha edecheekè goghàyüwa, eyıt'à wecheekè hagılà. ⁷ Lıwe nechà-lea lọ-lea gıts'ò sù Zezi k'achı yek'eèyahı gà

edeecheekeè hagòhdi, “Dii sɪ dɔ ɠɪghàahdi,” gòhdi. ⁸ Dɔ hazòɔ ɠɪgha hòt'a ts'ò shèɠiazhe. Eyi tɪ'axòɔ dɔ hazòɔ t'asɪ ɠhàgeèʔàa sɪ wecheekeè nàgehtsɪ. Hazòɔ t'à tɪ'ohɔ lòhdi haàtɔɔ nàgehtsɪ. ⁹ Dɔzhì dɪ-lemì haàtɔɔ shèɠiazhe. Zezì dɔ hazòɔ nagoèhʔà tɪ'axòɔ, ¹⁰ edeecheekeè goxè elà yìetɫa gà Dal-manutha nèk'e ts'ò geèʔe.

¹¹ Pharisee ɠɪɪɪ mòhdaa Zezì dageehke ha eyi nèɠɪɪde. Zezì geèhdzà ha ɠɪwɔ t'à hagùhdi, “Yak'e gots'ɔ gogha eniyyah hoɪhtsɪ,” ɠùhdi. ¹² Eyi dɔ ɠɪkwì dezhi t'à Zezì hòt'ò dèhɪ xè hadi, “Dànìghɔ dii dɔ eniyyah deè geʔì ha ɠɪwɔ? Ehkw'ɪ anaxèehsɪ, hanu wɪzì geʔì ha nùile,” gòhdi. ¹³ Eyi tɪ'axòɔ Zezì gots'ò nàehtɫa gà elà yìetɫa, ets'èʔòqnèe ts'ò tɪ te nòɔgeèʔe.

Pharisee eyits'ɔ Herodian ɠɪɪɪ sɪ ɠɪts'ɔ lèt'èa ch'à edek'èahdi

¹⁴ Wecheekeè lèt'è de nagedì nòɔ. Elà yì lèt'è ɪè zɔ edexè k'egeʔa ɪè. ¹⁵ Zezì gots'ò hadi, “Edexoahdi! Pharisee ɠɪɪɪ eyits'ɔ Herodian ɠɪɪɪ sɪ ɠɪlèt'èa ch'à edexoahdi,” gòhdi.

¹⁶ Eyi hadi ɠhɔ elets'ò hagedi, “Lèt'è edexè ats'ɪlà-le t'à adi,” gedi.

¹⁷ Zezì hanì gogede gok'èezɔ t'à gots'ò hadi, “Dànìghɔ lèt'è while ɠhɔ elets'ò goahde? ɪlè naxɪkwì yìekw'ɪ-le nì? Naxɪnì t'à nàniahdè ha dezhi nì? ¹⁸ Naxɪdàà eyits'ɔ naxɪdzùhkw'òɔ ɠòhɪ-le nì? Eyi ts'ihʔò k'eahɪ'ɪ-le xè aàhk'w'ò-le nì? Dii whaà-le dàgòjàa sɪ asɪ wenaahdi? ¹⁹ Lèt'è sɪlài t'à dɔzhì sɪlài-lemì ɠɪwàhòɔdì ekò t'asɪ ɠhàgeèʔàa sɪ tɪ'ohɔ dàtɔɔ dagoòʔò nàwhahtsɪ nòɔ?”

“Hoònɔ-daats'ò-nàke,” ɠùhdi.

20 “Eyits'ò lèt'è lèhdì t'à dọzhì dì-lemì gìwàhòqòdì ekò t'asì ghàgèè?àa sù t'òhtò dàtìq dagoò?ò aahlà nò?”

“Lèhdì,” gùhdì.

21 “Hanì nùdè, ɿhàà naxìkwì yìekw'ì-le nì?” Zezì gòhdì.

Dọ wedaà goilee sù k'aat'ù ajà

22 Kòta Bethsaida nègùze t'axòò, dọ mọhdaa dọ wedaà goilee Zezì ts'ò geèhchì, gìghònàdaetì, hagedì, “Gots'ò K'àowo, nìlà wek'e anele,” gùhdì.

23 Zezì dọ wedaà goilee yìlà nùchì gà kòta gots'òò gòyeèdì. Dọ wedaà k'e dèze, edilà yek'e ayìlà gà yets'ò hadì, “T'asì negha wègaat'ì nì?” yèhdì.

24 Eyì dọ ɿdaà k'èet'ì, hadì, “Dọ segha gìgaat'ì, hanìkò ts'ì k'ègedè lanì gìgaat'ì,” yèhdì.

25 K'achì Zezì edilà eyì dọ wedaà k'e ayìlà. Ekòet'ù wedaà k'aat'ù ajà eyits'ò nezì t'asì hazòò ghàedaà ajà. 26 Zezì hayèhdì, “Hòt'a nàjtì, hanìkò kòta ts'ò ɿtì,” yèhdì.

Peter, Zezì Christ anet'e, yèhdì

27 Zezì eyits'ò wecheekè kòta Caesarea-Philippì gà kò gòlaa ts'ò geède. Ekò giadè ekò edecheekè gots'ò hadì, “Dọ amì aht'e sègedì?” gòhdì.

28 Wecheekè hagùhdì, “Dọ mọhdaa John-Baptist aat'e gedì, mọhdaa Elijah aat'e gedì eyits'ò dọ mọhdaa whàà gots'ò nakwenàòzòqò aat'e nègedì,” gùhdì.

29 Zezì dagoehke, “Ekò naxì, amì aht'e sèahdì?” gòhdì.

Peter Zezì ts'ò hadì, “Nì sù Christ anet'e,” yèhdì.

³⁰ Zezì edecheekeè gots'ò hadı, “Eyı ghò dọ wı̀zı̀ ts'ò haahdı-le,” gòhđı.

Zezì ełààgı̀hwhı ha sı̀ yeghọ gode

³¹ Ekò gots'ọ Zezì dı̀ hanı̀ (edeğhọ) edecheekeè ts'ò gode, “Dọ-wet'àazàa-deè sı̀ hòt'ò dajza ha. Qhdah gı̀ı̀ı̀, yahtı̀ gha k'aodè eyıts'ọ Nòhtsı̀-yatı̀-k'ègedı̀-dọ̀ gı̀gha wede ha họt'e. Ełààgı̀hwhı ha eyıts'ọ tai dzeę k'ehọwo nı̀de naı̀dà ha họt'e,” gòhđı. ³² Hanı̀ ehkw'ı̀ gots'ò xàyaıhtı̀, eyıt'à Peter whatsọ̀ yets'ò goıde, hayèhđı, “Nexè hagode ha nı̀le!” yèhđı.

³³ Zezì edecheekeè gots'ò ets'aèhtla xè goghàı̀dà ekò Peter ts'ò hadı, “Wehı̀ı̀, sechıht'a ts'ò aade! Nòhtsı̀ wı̀nı̀ k'èè nàınewo nı̀le, dọ gı̀nı̀ k'èè nàınewo họt'e,” yèhđı.

³⁴ Zezì, wecheekeè eyıts'ọ dọ hazọ̀ edets'ò gokayaıhtı̀ t'axọ̀ gots'ò hadı, “Amı̀ sek'èè at'ı̀ ha nı̀wo sı̀ edeghọ nàıwo ha nı̀le eyıts'ọ edets'ọ dechıet'aa sek'èè nayatı̀ ha họt'e. ³⁵ Amı̀ edı̀nı̀ k'èè eda ha nı̀wo sı̀ wedıhołè ha, hanı̀kò amı̀ sets'ıhzo eyıts'ọ godı nezı̀ ts'ıhzo edı̀nı̀ k'èè eda ha nı̀wo-le sı̀ edaxàweetè ha họt'e. ³⁶ Dı̀ nèk'e dọ t'ası̀ hazọ̀ edegha dèhnọ kò wedàazhı̀ wegghọ wedıhòhı nı̀de eyı hazọ̀ weggha wet'àazà nı̀le. ³⁷ Dọ t'ası̀ wı̀zı̀ k'èxa ededàazhı̀ dehnè ha nı̀le. ³⁸ Dı̀ dọ hoıı k'èè geedaa sı̀ amı̀ gonadađ seghọ ı̀zhaelı̀ xè seyatı̀ sı ghọ ı̀zhaelı̀ nı̀de wexè hoıla ha. Dọ-wet'àazàa-deè edetà wets'ọ enıyah deè t'à yak'eet'ı̀ goxè nı̀tla nı̀de, yegghọ ı̀zhaelı̀ ha họt'e.

9

¹ Ehkw'ı anaxèehsı, dọ mọhdaa jọ nàgeèhzaa sù Nòhtsı Wenàowoò k'èè hòzọọ enıyah xè nàtso gezi kwe, ełààgede ha niile,” Zezi hadı.

Zezi, Moses eyıts'ọ Elijah elets'ọ gogede

² Ek'ètai dzeè t'axọọ Zezi shìh danıchàa ka dekiıtla. Ekọ whatsọọ geèhk'w'e ha Peter, James eyıts'ọ John edexe agoòlà. Ekọ gınadaà Zezi eładı wègoèht'ı. ³ Wegoht'ọọ degoo xè wek'e saıdı; dı nèk'e ts'ọ t'ası wızi eyı lanı sù degoo gòhı-le. ⁴ Ekııyeè k'e Elijah eyıts'ọ Moses, Zezi ts'ọ gogede gınadaà gıgoèht'ı.

⁵ Peter Zezi ts'ọ hadı, “K'àowo, jọ ts'eèhk'w'e gogha nezı dı. Kọa tai gots'ıhtsı; ıle negha, ıle Moses wegħa eyıts'ọ ıle Elijah wegħa,” yèhdi. ⁶ (Sı geèhyeh t'à Peter dàdı-adı sù yek'èezọ-le kò adı.)

⁷ Hotsaa k'oh gımọọ ajà. K'oh yı gots'ọ gots'edeè họt'e, “Dı Seza họt'e, wegħoneehtọ; weàhk'w'ọ!” hats'edı họt'e.

⁸ Hanıkò Zezi wecheekè edemọọ k'egeet'ı là dọ wızi gıaı-le, Zezi zọ gıaı.

⁹ Shìhka gots'ọ hodàgeède ekò Zezi hagòhdi, “Dọ-wet'àaàa-deè nàdà gots'ọ ayı weahı sù dọ wızi ts'ọ haahdı-le,” gòhdi. ¹⁰ Eyıt'à ayı gıaı sù wegħọ dọ wızi ts'ọ hagedı-le, eyı wecheekè tai sù Zezi “nàdà” ghọ godee sù dàdı-adı gıwọ t'à elets'ọ zọ gıghọ gode.

¹¹ Wecheekè tai dageehke, “Dànıghọ Nòhtsı-yatı-k'ègedı-dọọ nakwenàozọọ Elijah t'akwełọọ niıtla ha, gedı,” gıhdi.

¹² Zezi hagòhdi, “Ehk'w'ı agedı, Elijah t'akwełọọ niıtla ha họt'e, t'ası hazọọ sınıhòzà ha. Hanıkò

nakwenàòzqò du hanì dek'enègùt'è: Dq-wet'àa2àa-
deè daɪza ha eyits'q dq hazqò gɪgha wedɛ ha.
13 Hanikò sɪ du hanaxèehsɪ, Elijah hòt'a jò nùtla
lè, hanikò t'aguwq ts'ò gɪghàlajdà. Dànì weghq
dek'eèht'è sù wek'èè agòjà hq't'e," gòhdì.

Dqzhìa ìnhì wets'ò-èlì sù k'aàt'ù ajà

14 Zezì edecheekeè tai xè wecheekeè eyii-le ts'ò
nègùde ekò, dq lq gımqò nàèhza, eyits'q Nòhtsɪ-
yatù-k'ègedì-dqò gots'ò nàyagehtì gɪazɪ. 15 Dq hazqò
Zezì gɪazɪ ts'òet'ù sù gɪgha enìyah dùi. Gıts'ò
tımqgeède eyits'q gıts'ò gode.

16 Zezì gots'ò hadì, “Ayì ghq Nòhtsɪ-yatù-
k'ègedì-dqò gıts'ò nàyaahı?” gòhdì.

17 Dq lè Zezì ts'ò hadì, “K'àowo, seza nets'ò nùhtì.
Seza ìnhì wets'ò-èlì ts'ihzò gode ha dùi. 18 Ìnhì
wexèdì taàt'èè dèè k'e ts'ò nàyehxà xè wewà ts'q
goghoo at'ɪ, edeghò èlek'eek'à eyits'q wekw'qò
ehkw'1-ètsò at'ɪ. Necheekeè ìnhì xàdeguzhı ha
daguhke, hanikò hagele ha dùi,” dq yèhdì.

19 Zezì gots'ò hadì, “Naxı dq yàahı sù naxıgha
ehkw'1-ahodì-le. Dàwhaà ts'ò naxıxè aht'e ha?
Dàwhaà ts'ò sını tsjahwhı ha?” Hadì t'axqò dqzhìa
wetà ts'ò hadì, “Neza sets'ò wıhchı,” yèhdì.

20 Eyit'à dqzhìa Zezì ts'ò geèhchì. Ìnhì Zezì ezı
ts'òet'ù, dqzhìa hòt'ò ts'ehı lat'ɪ ayılà. Dqzhìa dèè
k'e nàakw'o, k'ederà xè wewà ts'q goghoo xàewì.

21 Zezì dqzhìa wetà daehke, “Dàwhaà ts'q neza du
hanì nqò?”

Dq yets'ò hadì, “Dqzhìa nechà-lea elı ts'q hanì
hq't'e. 22 Ìnhì ełàyèhwhı ha nıwq t'à t'aats'qò
kò dèk'òq nı nàkw'ù ayehzı, eyits'q tekw'ù ayehzı.

Wegha t'asì haale ha dii-le nɔdè, etegoneèzì xè gots'àadi," Zezi ts'ò hadi.

²³ Zezi yets'ò hadi, "Dànìghò 'haale ha dii-le nɔdè, nɔdi? Dò gɔgha ehkw'i-ahodi sù t'asì hazòò gɔgha dii nùle," hayèhdi.

²⁴ Ekòet'iì eyi dò hadi, "Segha ehkw'i-ahodi ne; sinì nàtso-le ch'à sets'àadi!" yèhdi.

²⁵ Zezi dò ló wets'ò tɔmògeède goazì ekò, inìhù ts'ò hadi, "Inìhù, dù dɔzhia wedzi goile xè gode-le ha weghàlaneedà. Weyì gots'ò xàtɔ nèehsì eyits'ò k'achì wets'ò anaade-le," yèhdi.

²⁶ Inìhù whezeh, dɔzhia sù ts'ehhì lat'ì ayùlà t'axòò yeyì ts'ò xàèhtà. Dɔzhia dò eɔawo lanì wègaat'ì t'à, dò hagedi, "Eɔawo ne," gedi. ²⁷ Hanìkò Zezi dɔzhia wilà nùchì gà nàwo ayùlà.

²⁸ Zezi kò goyaèhtà t'axòò wecheekeè whatsòò dageehke, "Dànìghò goxì inìhù xàwedets'eezhì ha dii?" gùhdi.

²⁹ Zezi gots'ò hadi, "Inìhù dù lanù sù yats'ehtì zò t'à xàdets'eezhì hɔt'e," gòhdi.

³⁰⁻³¹ Eyi kòta gots'òò nageèhde, Galilee nèk'e k'egiadè. Zezi edecheekeè hoghàgoehtò t'à edù geèhkw'ee sù dò wɔzì yek'èezò ha nɔwò-le. Zezi gots'ò dù hadi, "Dò-wet'aaàa-deè dò t'aàgihtè ha hɔt'e. Eɔàgùhwhì ha eyits'ò tai dzeè t'à nàidà ha," gòhdi. ³² Hanìkò wecheekeè ayì ghò adu sù gɔmèdì-le, eyì ghò dageehke ha gɔwò kò t'asagedi-le.

Ami denahk'e eli?

³³ Kòta Capernaum nègùde. Kò goyì geèhkw'e ekò Zezi edecheekeè dagoehke, "Tɔlì k'e nats'adè ekò ayì ghò elets'ò nàyahtì nòò?" gòhdi. ³⁴ Hanìkò

wecheekeè gita ts'ò amì denahk'e elì gedì ghò elets'ò nàyagehtì lè t'à t'asagedì-le.

³⁵ Zezì dèhkwà gà edecheekeè hoònq-daats'ò-nàke edegà geèhkw'eè agòòlà, hagòhdi, “Amì denahk'e wet'aaàa elì ha nìwq sù dek'aà elì ladeewq ha hq't'e, eyits'ò dq hazqò cheekeè elì lanì ha hq't'e,” gòhdi.

³⁶ Eyì t'axqò chekoa nechà-lea nùchì gà wecheekeè gota nàwo ayìlà. Edegòò chekoa wemqò ayìlà gà edecheekeè gots'ò hadì, ³⁷ “Amì sùzì dahxà dū chekoa nechà-lea lanu ts'ò nezì anìwq sù sì sets'ò nezì anìwq hq't'e. Eyits'ò amì sets'ò nezì anìwq sù sì zq sets'ò nezì anìwq nùle, amì jò ts'ò sùhàa sù eyì sì ts'ò nezì anìwq hq't'e,” gòhdi.

Amì gok'èch'a at'ì-le sù goxè at'ì hq't'e

³⁸ John Zezì ts'ò hadì, “K'àowo, dq lè nùzì t'à mihù xadeèzhì wets'aà. Goxè at'ì-le t'à, hat'ì ha-le wèts'edi,” yèhdi.

³⁹ Zezì yets'ò hadì, “Wech'à weahqò-le. Dq wùzì sùzì dahxà enìyah hòèhtsù sù whaà-le-t'ù seghq godì nezì-le t'à gode ha nùle. ⁴⁰ Amì gok'èch'a at'ì-le sù goxè at'ì hq't'e. ⁴¹ Ehw'ì anaxèehsì, Christ wets'ò aah't'e t'à amì sùzì dahxà tì zq kò naxìghàdì nùdè, wek'èxa t'asì nezì weghòt'à ha hq't'e,” yèhdi.

Amì wets'ihqò chekoa hoùù hogehtsì

⁴² Eyì t'axqò Zezì edecheekeè ts'ò dū hadì, “Dū lanu chekoa nechà-lea gìgha ehkw'ì aehsù sù amì hoùù hogehtsù agohù sù eyì dq wegga hoila ha hq't'e. Dq hanì hojì hohtsì ch'à wek'o k'e kwe nedàa wexeet'ì gà tègùxà nùdè wegga denahk'e nezì ha hq't'e. ⁴³⁻⁴⁴ Naxìlà t'à hoùù hoahtsì nùdè

wek'eahkà. Naxilà ìlè zò t'à welò while ts'ò aahdaà aahjà nɔ̀dè naxìgha denahk'e nezì hɔ̀t'e. Hanì-le-ɔ̀dè naxilà nàke xè wehɔ̀kò ts'ò anaxedle ha, ekò kò naekwì hɔ̀lì nùile. ⁴⁵⁻⁴⁶ Eyits'ò naxikè t'à hoɔ̀ hoahstì nɔ̀dè wek'eahkà. Naxikè ìlè zò t'à welò while ts'ò aahdaà aahjà nɔ̀dè naxìgha denahk'e nezì hɔ̀t'e. Hanì-le-ɔ̀dè naxikè nàke xè wehɔ̀kò ts'ò anaxedle ha hɔ̀t'e. ⁴⁷ Eyits'ò naxidaà t'à hoɔ̀ hoahstì nɔ̀dè wede aahle. Naxidaà ìlè zò t'à Nòhtsì Wenàowoò k'èè hòzòò ts'ò aahjà nɔ̀dè naxìgha denahk'e nezì ha hɔ̀t'e. Hanì-le-ɔ̀dè naxidaà nàke xè wehɔ̀kò goyanaxegeehdè ha hɔ̀t'e. ⁴⁸ Ekò 'yìida elàade hɔ̀lì nùile eyits'ò kò naekwì hɔ̀lì nùile.' ⁴⁹ Kò t'à dewa nàtsoo laahde ha.

⁵⁰ “Dewa nezì hɔ̀t'e, hanikò dewa ledì-le ajà nɔ̀dè dànì ledì anajà lì? Dewa nàtsoo laahde eyits'ò elèxè ts'èwhì aahda,” Zezì edecheekeè gots'ò hadì.

10

Zezì zòlets'eedee k'e xàyahiti

¹ Zezì eyì kòta ts'òò naèhtla t'axòò Judea nèk'e ts'ò ajà, Jordan-deh nɔ̀zàa wete ts'ò ajà. K'achì dɔ̀ lɔ̀ yets'ò elèwhede eyits'ò hoghàgoehtò, t'aats'òò hat'ì ìlè t'à.

² Pharisee gùlì sì geèhdzà ha gɔ̀ts'ò-ède. Dageehke, hagiùhdi, “Gonàowoò k'èè ha nɔ̀dè asì dɔ̀zhì edets'èkeè zògeede ha diì-le?” giùhdi.

³ Zezì gots'ò hadì, “Moses nàowo dàhòt'ì naxìghàzò?” gòhdi.

⁴ Zezì ts'ò hagedì, “Moses dɔ̀ nàowo goghàzò: ‘Dɔ̀zhì edets'èkeè zòyeede ha nɔ̀wò nɔ̀dè zòlets'eedee

nɪhtl'è yegha sùyele gà xàyeehzà ha,' dek'eèhtl'è,"
gùhdi.

⁵ Zezi gots'ò hadi, "Naxikwi nàtso t'à, Moses eyi
nàowo naxighàzò ɲè. ⁶ Hanikò dɪ nèè hòèlɪ ekò
Nòhtsɪ sɪ 'dɔzhɪ eyits'ò ts'èko whehtsɪ.' ⁷ 'Eyi
ts'ihzò dɔzhɪ edetà eyits'ò edemɔ gots'ò xàetɫa ha.
Edets'èkeè xè ɲè lanì ha, ⁸ eyits'ò eyi nàke geet'èe
sɪ edezhɪ t'à dɔ ɲè lagede ha hɔt'e.' Eyi t'à dɔ nàke
agɪt'e-le, hanikò dɔ ɲè zò lagɪt'e. ⁹ Eyi t'à Nòhtsɪ
dɔ nàke eɛghàgòɪlaa sɪ dɔ wɪzɪ elets'ò agole ha
nùle," Zezi gòhdi.

¹⁰ Kò goyɪ nagɪde ekò Zezi dàdɪ sɪ ghò
wecheekeè dageehke. ¹¹ Zezi gots'ò hadi, "Dɔzhɪ
edets'èkeè zòyeede gà ts'èko eyi-le xè honòɔdza
nɪdè, eyi dɔ sɪ edets'èkeè k'èch'a hoɲù hòèhtsɪ hɔt'e.
¹² Eyits'ò ts'èko ededò zòyeede gà dɔ eyi-le xè
honòɔdza nɪdè, eyi ts'èko hoɲù hohtsɪ hɔt'e," Zezi
gòhdi.

Zezi eyits'ò chekoa nechà-lea

¹³ Eyi t'axò dɔ edezaa nechà-lea Zezi edilà
gok'e ayele ha gɪwò t'à, Zezi ts'ò gogeèwa,
hanikò wecheekeè haahtɪ-le gògedɪ t'à nàgogeezò.
¹⁴ Zezi hagetɪ goazɪ ekò gots'ò wini-le xè
edecheekeè gots'ò hadi, "Chekoa sets'ò gɪdè
agɪahɛ, sets'agɪahzò-le. Amɪ dɪ chekoa lagɪt'ee sɪ
Nòhtsɪ Wenàowoò k'èè hòzòɔ gɪts'ò hɔt'e. ¹⁵ Ehw'ɪ
anaxèhsɪ, amɪ chekoa lanì Nòhtsɪ Wenàowoò
k'èè hòzòɔ edegha yihchì lenɔsɪ, ekò goyaetɫa
ha nùle," Zezi gòhdi. ¹⁶ Eyi t'axò Zezi edegò
chekoa gomò ayɪlà, eyits'ò edilà gok'e ayɪlà gà
gok'eèyahɪ.

Dọ ahxee-deè

17 Zezi t'asii ts'ò naèhtla ekò dọ ìlè yets'ò tımqèhza gà yegà nàgòhghè, hayèhdi, “K'àowo nezı, ayi dàhla nıdè welọ while ts'ò ehdaà asedle ha?” yèhdi.

18 Zezi yets'ò hadı, “Ayıha k'àowo nezı sıdı? Dọ nezı gòhı nıle; Nòhtsı zọ nezı họt'e. 19 Moses wenàowo-deè wek'èizọ ne: ‘Dọ ełaaahwhı-le, ełexè hoıı hoahı-le, aahzı-le, dọ ghọ hoahıı-le, dọ ghọyaahzà-le eyıts'ọ naxıtà eyıts'ọ naxımọ gıts'ọ nezı aahda,’ ” Zezi yèhdi.

20 Eyı dọ hadı, “K'àowo, chekoa ehı gots'ọ eyı nàowo hazọọ wek'èzaeht'è họt'e,” yèhdi.

21 Zezi yeghàeda xè yeghọneètọ, hayèhdi, “T'asii ìlè zọ hanelà-le. Naıtıle, t'asii hazọọ nets'ọ sı neghọ nàedi gà eyı sọmba sı họt'ı dọ-teèt'ı gıghàle. Hanı-ıdè yak'e t'asii nechàa nedawhezọ ha họt'e. Eyı t'axọọ-ıdè sek'èè k'eıda,” Zezi yèhdi.

22 Zezi hadı ts'òet'ı dọ ts'òonıwọọ ajà xè naèhtla, dọ ahxee-deè eı t'à.

23 Zezi dọ hotı goghàeda xè edecheekeè gots'ọ hadı, “Dọ ahxee sı Nòhtsı Wenàowoò k'èè hòzọọ goyaetla ha wegħa wèhoedi-le họt'e,” gòhdi.

24 Hadı t'à wecheekeè gıgha enıyah dii. Hanıkò Zezi k'achı hadı, “Secheekeè, Nòhtsı Wenàowoò k'èè hòzọọ goyats'eedè ha sı sı wèhoedi nıle!

25 Dọ ahxee sı Nòhtsı Wenàowoò k'èè hòzọọ goyaetla ha wegħa dii họt'e. Eyı wenahk'e tıts'aadıcho datıht'á-k'è degħaetla għa sı denahk'e dii-le họt'e,” Zezi gòhdi.

26 Wecheekeè sı dezọọ gıgha enıyah t'à hagedı, “Hanı-ıdè amı edaxàweètı lı?” gedi.

²⁷ Zezi goghàeda xè hadi, “Dò gıgha dii họt'e, hanikò Nòhtsı wegħa dii-le họt'e; Nòhtsı t'ası wızi wegħa dii gòhı nuile,” gòhdi.

²⁸ Peter, Zezi ts'ò hadi, “Goxı nek'èè k'ets'edè ha ts'ıwọ t'à, t'ası hazọ wewè ats'ıllà ìlè!” yèhdi.

²⁹ Zezi edecheekè gots'ò hadi, “Ehk'w'ı anaxèhsı, amı segha eyits'ọ godı nezı għa eghàlaeda ha nıwọ t'à edekọ, edechı, ededè, edetà, edemọ, edeza, eyits'ọ wets'ọ dèè gots'ọ naèhtla nıdè, ³⁰ eda gots'ọ ìlèkw'eènọ laàtlọ ts'ọ wegħòzhe ha. (Dı nèk'e wekọ, wechı, wewè, wemọ, weza, eyits'ọ wets'ọ dèè daıza xè wegħòzhe ha.) Eyits'ọ ıdaà welọ whìle ts'ọ eda eyı sı wegħọt'à ha. ³¹ Dọ t'akwe geèhk'w'ee sı nọde geèhk'w'èè agedle ha, eyits'ọ dọ nọde geèhk'w'ee sı t'akwe geèhk'w'èè agedle ha,” Zezi gòhdi.

Zezi ẹ̀làngìhwhı ha sı k'achı yegħọ gode

³² Jerusalem ts'ò Zezi wecheekè yek'èè giadè ekò Zezi ghọ sı gıgha enıyah dii, hanikò dọ eyı-le goxè aget'ı sı geejı. Zezi edecheekè hoònọ-daats'ò-nàke whatsọ nègòowa gà wets'ò dàgode ha sı ghọ gots'ò goıde, ³³ hadi, “Jerusalem ts'ò ts'eedè ha. Ekọ Dọ-wet'aaàa-deè sı yahtı-gha-k'aodè eyits'ọ Nòhtsı-yatı-k'ègedı-dọ t'aağèhtè ha họt'e. Ẹ̀lawa għa gısinıyahtı ha. Eyı t'axọ dọ ẹ̀ladı t'aağıhtè ha. ³⁴ Gık'adaedè ha, gık'e geezè ha, nàgeehkwa ha eyits'ọ ẹ̀làngìhwhı ha, taı dzeè nıdè naıdà ha,” Zezi gòhdi.

James eyits'ọ John Zezi ghòhk'eè geke ha gıwọ

³⁵ Ekıyeè k'e Zebedee weza James eyits'ọ John, Zezi ts'ò nılegeètla, hagedı, “K'awo, ayı nets'eekeè sı gogħa haale ha nets'ıhwhọ,” gıhdi.

³⁶ “Naxıgha ayı̀ d`ahle ha Seahwho?” Zezi g`ohdi.

³⁷ Gıts'`o hadı, “K'`aowoch`o wheełı nıde goxı ıle nega n`ag`ots'ehne`e wheda`a eyıts'`o ıle nega gots'`ıhts'`o wheda`a agoıle,” gıhdi.

³⁸ Zezi hag`ohdi, “Ayı̀ aahke`e sı wek'`eahs`o nıle. Lıb`o wets'`o ehd`o ha sı wets'`o aahd`o ha dıi-le nı? Hanı-le-ıde d`anı sek'`etaıdz`o k'`e`e naxık'`etaıdzı ha dıi-le nı?” g`ohdi.

³⁹ “Heze, hats'ede ha dıi-le,” gıhdi. Zezi gots'`o hadı, “Lıb`o wets'`o ehd`o sı naxı sı wets'`o aahd`o ha h`ot'e, eyıts'`o d`anı sek'`etaıdz`o sı eyı lanı naxık'`etaıdzı ha h`ot'e, ⁴⁰ hanıko amı sega n`ag`ots'ehne`e wheda ha, eyıts'`o amı sega gots'`ıhts'`o wheda ha sı sı sets'`o hoelı nıle. Amı sega wheke ha sı seta h`ot'a gogha sıg`o`o`la ıle h`ot'e,” g`ohdi.

⁴¹ Wecheeke`e ho`on`o sı James eyıts'`o John ayı̀ Zezi dagıhke gh`o egıkw'`o ek`o gık'`ech'a ag`o`a. ⁴² Zezi edecheeke`e l`a`a n`eg`o`la ga hag`ohdi, “K'`aowoch`o gıllı sı d`o eyı-le x`a`aa ts'`o k'adahoged`e, eyıts'`o gıcheeke`e t'akwe ge`ehkw'e ededı sı d`o ts'`o k'adahoged`e, wek'`eahs`o h`ot'e. ⁴³ Hanıko naxıxe hag`oht'e ha nıle. Amı naxıta t'ası de`e elı ha nıw`o`o sı naxıgha egh`alaedaa-d`o`o elı ha h`ot'e, ⁴⁴ eyıts'`o naxıta amı t'akwe wheda ha nıw`o`o sı naxıcheeke`e elı ha h`ot'e. ⁴⁵ D`o-wet'`aaz`a`-de`e, ededı ko, d`o yegha egh`alageeda gha nıitla nıle, hanıko d`o ts'`a`dı gha eyıts'`o d`o gha e`la`awı gha nıitla h`ot'e. D`o l`o gıho`ı gıgh`o nahoezhe gha e`la`awı ha h`ot'e,” Zezi edecheeke`e g`ohdi.

D`o weda`a goılee sı k'`a`at'`u` aj`a

⁴⁶ Ekııye`e k'e k`o`ta Jerıcho n`egıde. Zezi eyıts'`o wecheeke`e eyı k`o`ta ts'`o`o nage`ehde ek`o d`o l`o gok'`e`e

geède. Dọ wedaà goilee Bartımaeus wı̀yeh sı̀ tı̀lı̀bàa wheda xè t'ası̀ gha nàdaeti. (“Bartımaeus” gedi nı̀dè “Tımaeus weza” gedi-agedı.) ⁴⁷ Zezi ekọ naetle ghọ ı̀kw'o ekò naidzeh xè hadı, “Zezi, k'àowocho David Weza, etesenèezı!” hadı yaızeh.

⁴⁸ Dọ ı̀ọ, “Ts'èwhı̀ aat'e,” giıhdı, hanikò k'èdaà hòt'ò naidzeh, “K'àowocho David Weza, etesenèezı!” hadı ezeh.

⁴⁹ Zezi nı̀tla, dọ gots'ò hadı, “Sets'ò ıtla wèahdı,” gòhdı.

Eyıt'à dọ wedaà goilee ts'ò gogede, hagedı, “Nınà welè! Nàawo! Wets'ò-ıtla ha nı̀whwọ,” giıhdı. ⁵⁰ Ekòet'ı̀i edezeè zọ̀ọwa gà ı̀whàà Zezi ts'ò èhtla.

⁵¹ Zezi yets'ò hadı, “Ayı̀ negha dàhle ha seneehwhọ?” yèhdı.

Eyı dọ Zezi ts'ò hadı, “K'àowo, segha xègaat'ı̀ ha dehwhọ,” yèhdı.

⁵² Zezi yets'ò hadı, “Naıtle! Negha ehkw'ı-ahodı t'à k'aat'ı̀i anejà,” yèhdı. Ekòet'ı̀i k'et'ı̀ ajà eyıts'ọ Zezi k'èè naèhtla.

11

Zezi tı̀tsoa t'à Jerusalem nı̀tla

¹ Zezi edecheekè xè kọta Bethphaga eyıts'ọ Bethany ts'ò gọ̀wà-lea nı̀tla. Eyı kọta nàke sı̀ shı̀ Olivet weghọhk'eè gòla, eyıts'ọ Jerusalem ts'ò gọ̀wà-le agọht'e. Ekọ ts'ọ Zezi edecheekè nàke edenakweè goèhà, ² hagòhdı, “ı̀daà kọta ts'ò ı̀ahtle. Ekọ nı̀lahtla et'ı̀i tı̀tsoaza wet'à-ats'aat'ı̀-ı̀ le eyı daet'ı̀ı weahı̀ ha. Daweahge gà, jọ sets'ò nat'ı̀ahxà. ³ ‘Ayı̀ gha aahı̀?’ dọ naxèhdı nı̀dè,

‘Gots'ò K'àowo yet'à-at'ì ha nıwọ. Ekòet'ìi neghọ yeechi ha, 'hawèahdi nọ̀, ” Zezi gòhdi.

⁴ Eyit'à wecheekeè nàke ekọ nìlegeètla ekò t̄tsoa mọ̀ht'a enìtọ-k'è daet'ìi gıazı. Dagııge ekò, ⁵ dọ mọ̀hdaa eyı nàgeèhzaa sù gots'ò hagedı, “Dànìghọ aahzı? Ayìha t̄tsoa daahgè?” gògedı. ⁶ Wecheekeè nàke gots'ò hagedı, “Gots'ò K'àowo yıwọ eyits'ọ whaà-le-t'ìi naxıts'ò anayeke ha ne,” gedı. Eyit'à dọ t̄tsoa nıgìchì agogìlà. ⁷ T̄tsoaza Zezi ts'ò nègeèchì, edezeè gıkanııwa gà Zezi yek'e wheda. ⁸ Dọ lọ edezeè wenadaà t̄lì k'e nètègııwa eyits'ọ dọ mọ̀hdaa zori lanı k'egıızhì gà wenadaà t̄lì k'e nègııwa. ⁹ Dọ lọ Zezi nakweè giadè eyits'ọ dọ lọ yek'èè giadè, yagizeh xè hagedı,

“Hosanna! Gots'ò K'àowo dahxà nı̀tlaa sù wexè sıghà họt'e! ¹⁰ Gocho David wet'axọ̀ K'àowocho elı ha sù wexè sıghà welè! Hosanna! Nọ̀htsı weghàsọts'eedı!” gedı.

¹¹ Zezi Jerusalem nı̀tla ekò Nọ̀htsı̀kò-gocho ts'ò ajà. Ekọ t'ası hazọ̀ ghàdà, hanikò xèhts'ò ago-daade t'à edecheekeè hoònọ-daats'ò-nàke xè kọta Bethany ts'ò naèhtla.

Zezi Nọ̀htsı̀kò-gocho gots'ọ tıts'aadı xàdeèzhì

¹² Ek'èdaedzè k'e kọta Bethany ts'ọ̀ nageèhde ekò Zezi sù bọ waewı ajà. ¹³ Ekọ nıwà-lea jìechots'ìi wezıt'ọ̀ wèk'e whela yaı. Jìecho wèk'e dehshe sọni nıwọ t'à ekọ èhtla. Yegà nı̀tla ekò jìecho wıızı wèk'e whezọ-le, ıt'ọ̀ zọ. İ̀hà jìecho dehshe ha nèhòwı-le. ¹⁴ Zezi eyı ts'ı ts'ò hadı, “K'achı jìecho wıızı nek'e dehshe welè-le.” Hadı sù wecheekeè gıkw'o.

15 Zezi Jerusalem nùtla ekò Nòhtsìkò-gocho gà ts'ò ajà. Ekò dọ t'asì ełeghọ nàgeehdì sù hazqò xàgodeèzhì. Ladà k'e sọmba ehdagele eyits'ọ ladà k'e k'aba lanı gıghọ nàedì sù goghọ kwìteyeèhde. 16 Eyits'ọ t'asì nàedì sù dọ wızzì Nòhtsìkò-gocho gà k'egele ha nıwq-le. 17 Dıı hadì dọ hoghàgoèhtọ, “Dıı hanì dek'eèht'è họt'e:

'Sekò sù du nèk'e dọ hazqò gha yats'ehtu k'è gòzọ họt'e,'

hanìkò naxı sù 'egeezı-dqò gha kò' gòwhahtsı,” gòhdi.

18 Yahtı-gha-k'aodèe eyits'ọ Nòhtsı-yatı-k'ègedı-dqò Zezi hadı gıkw'o ekò ełàgııhwhı ha gıwq, hanìkò dọ hazqò Zezi ayı hoghàgoèhtqò sù gıgha enıyah t'à hagele ha gıts'ajeı.

19 Xèhts'ò agòjà ekò Zezi edecheekeè xè Jerusalem ts'qò nageèhde.

Jìechots'ı whegq

20 K'omqòdqò nagıadè ekò jìechots'ı Zezi yets'ò goıde ılee sù hazqò whegq nqò gıazı. 21 Zezi eyı ts'ı ts'ò goıde ılee sù Peter yenadı t'à yets'ò hadı, “K'àowo, jìechots'ı ghàıda! Wets'ò xàyanehtı ılee sù hazqò whegqò ajà!” yèhdi.

22 Zezi yets'ò hadı, “Nòhtsı ts'ò nını nàtso welè!

23 Ehkw'ıanaxèhsı, dıı shıh ts'ò dıı haahdı, “Tèe ts'ò adıle,” wèahdı nıdè eyits'ọ naxını nàtso xè naxıgha ehkw'ı-ahodı nıdè wek'èè agode ha họt'e.

24 Ehkw'ıanaxèhsı, naxıgha ehkw'ı-ahodı xè ayı gha yaahtı sù hotı naxıghòt'à ha dahwhq nıdè naxıghòt'à ha họt'e. 25-26 Eyits'ọ yaahtı nıdè amı weghq nahoahla-le sù weghq nahoahle. Haaht'ı

nɔ̀dè Naxità yak'e whedaa sì naxìhoḥì naxìgho nahoele ha hɔ̀t'e," gòhdi.

Zezi, amì dahxà at'ì

²⁷ K'achì Jerusalem nìagɔ̀de ekò Nòhtsìkò-gocho ts'ò geède. Nòhtsìkò-gocho gà giadè ekò yahtu-gha-k'aodèe, Nòhtsì-yatù-k'èdì-dòò eyits'ò qhdah giɔ̀lù sì Zezi ts'ò geède, ²⁸ hagedì, "Ayì dahxà dɔ̀ hanì eghàlaidà? Amì hanì neghàhòrò t'à anet'ì?" giìhdi, dageehke.

²⁹ Zezi gots'ò hadì, "Sì sì t'asì danaxeehke ha. Ek'èt'à sets'ò haahdi nɔ̀dè, amì wedahxà eghàlaehdaa sì naxìts'ò haehsì ha. ³⁰ John-Baptist dɔ̀ k'ètàidzù sì amì dahxà at'ì nòò? Yak'e godahxà at'ì hanì-le-ɔ̀dè dɔ̀ dahxà at'ì? Dàahwhòò sì sedaahdi," gòhdi.

³¹ Eyì ghò elets'ò hagedì, " 'Yak'e godahxà at'ì,' ts'edì nɔ̀dè, 'Dànìghò ehkw'ì adì dahwhò-le nòò?' gòhdi ha. ³² Ekò 'Dò dahxà at'ì,' ts'edì nɔ̀dè gogha nezì ha nùle," ełègeedì. (Dò hazòò John-Baptist nakwenàòròò giùt'ì ne t'à, k'aodèe gots'àgeejì.)

³³ Eyit'à Zezi ts'ò hagedì, "John-Baptist amì dahxà at'ì sì wek'èts'eezò-le," giìhdi.

Zezi gots'ò hadì, "Hanì-ɔ̀dè sì sì amì dahxà dɔ̀ hanì eghàlaahdaa sì naxìts'ò haehsì ha-le," gòhdi.

12

Dèè-k'ègedì-dòò gɔ̀godì

¹ Eyì t'axòò Zezi godì t'à dɔ̀ xè godo, hadì: "Dò ɔ̀lè ededèè k'e jìechots'ì dèhshe ha nèyùla. Kwe t'à yemòò kwì whehtsì, jìecho tàtsògeèhze k'è gòhtsì eyits'ò wegodoò jìechots'ì wehoedì ha dagòròò k'è gòhtsì. Eyì haàtòò hayìlà t'axòò

dèè-k'ègedi-dòò gik'e eghàlaeda ha ededèè dò ghonèyìzò, eyi t'axòò nìwà kòtaèhtlà. ² Jìecho diidi agòjà ekò jìecho mòhdaa yegha nàhtsì gha edecheekeè ìlè ededèè ts'ò yeèhà. ³ Hanikò dò dèè k'ègedi sù wecheekeè dagiachi, geèht'i eyits'ò jìecho dè nageèhà. ⁴ K'àowo k'achi edecheekeè ìlè gots'ò nayeèhà, hanikò wekwì nàgùht'i xè nezì gits'ò eghàlagùdà-le. ⁵ Eyt'à k'àowo k'achi edecheekeè eyi-le gots'ò yeèhà, hanikò èlààgìhwho. K'achi wecheekeè eyi-le lò ekò nagoèhà, hanikò mòhdaa gokwòòyaà-gogìlà eyits'ò mòhdaa èlààgogìhdè.

⁶ “Dò ìlè zò gots'ò yeèhà ha whedaà ajà: edeza ghonèetòò sù ekò yeèhà ha nìwò. Eyt'à nòòde ts'ò edeza gots'ò yeèhà, edets'ò hadi, ‘Seza ts'ò nezì nageza ha ne,’ hadi.

⁷ “Hanikò dèè-k'ègedi-dòò weza giazì ekò halègeedi, ‘Dii k'àowo weza sù dii dèè weghe elì ha hòt'e. Èlàawets'èhwhì, hanì-ìdè wedèè goxì goghaelì ade ha,’ gedi. ⁸ Eyt'à dagiachi gà èlààgìhwho, eyi t'axòò eyi dèè gots'òò xàgeèhà.

⁹ “Eyt'à k'àowo dèè-k'ègedi-dòò ginezi-le sù dàgole ha? K'àowo ekò nùtla nùdè eyi dò èlààgòhde ha, eyits'ò dèè dò eyi-le ghàyeza ha. ¹⁰ Nòhtsì Nìhtl'è k'e dii hanì dek'èèht'èè sù wek'eyaahù-le nì:

‘Kwekò-gogehtsù-dòò kwe ?ògeèhk'aa sù eyi kwe denahk'e wet'aa?àa whelì. ¹¹ Gots'ò K'àowo gogha hanì eghàlagùdà sù gogha enìyah dii, dek'èèht'è,’ Zezi gòhdi.

¹² K'aodèè gùlù sù godi t'à goghò godeè-adi gùmiedì t'à Zezi dageechi ha gùwò. Hanikò dò Zezi

k'èè k'egedèe sù gots'àgeejɪ t'à t'asagùlà-le eyits'ò nageèhde.

Pharisee gùlɪ sù Zezì geèhdzà

¹³ Eyɪ tɪ'axòò Pharisee gùlɪ mòhdaa eyits'ò Herodian gùlɪ mòhdaa Zezì ts'ò gogeèhɹà. Edahxò ekò-le xàyahɪ tì nɪdè weyatù t'à wek'e nìdahots'eezà ha gùwò. ¹⁴ Zezì gà nègùide ekò gits'ò hadɪ, “K'àowo, ehkw'ɪ zò goɪde wek'èts'eezò. Dò dàhòt'ù agùt'ee sù negha wet'àazà-le t'à, dò ayù geèhkw'ò ha gùwò sù k'èè goɪde nùile, hanìkò Nòhtsɪ Wenàowoò ghò ehkw'ɪ dò hoghàhɪtò. K'àowodeè Caesar, sòòmba wets'àts'eehdɪ sù asù eyɪ negha ehkw'ɪ ne? ¹⁵ Sòòmba wets'àts'eehdɪ ha hanì-le-ɪdè hats'ele ha-le?” gùhdɪ.

Hanìkò Zezì eghòyageeɹàa-dòò agùt'e gok'èezò. Eyit'à gots'ò hadɪ, “Ayùha seahdzà xè seyati t'à sek'e nìdahoahɹà ha dahwhò? Satsòà degoo weghàhɪdà,” gòhdɪ. ¹⁶ Satsòà degoo gìghàèchì tɪ'axòò, Zezì gots'ò hadɪ, “Amù wekwì eyits'ò amù wùzì dek'e whezò?” gòhdɪ.

“K'àowodeè Caesar,” gùhdɪ.

¹⁷ Eyit'à Zezì gots'ò hadɪ, “Hanì-ɪdè ayù K'àowodeè wets'ò ne sù weghàahɪ, eyits'ò ayù Nòhtsɪ wets'ò ne sù Nòhtsɪ ghàahɪ,” gòhdɪ.

Hadɪ t'à sù gìghàhoeli.

Sadducee gùlɪ sù Zezì geèhdzà

¹⁸ Eyɪ dzeɹ k'e Sadducee gùlɪ sù mòhdaa Zezì ts'àgede. ɪdà nɪdè dò nàidà ha sù gìgha ehkw'ɪ-ahodɪ nùile. Eyɪ ghò Zezì dageehke ha gùwò t'à gits'àwhede. ¹⁹ Hagùhdɪ, “K'àowo, Moses dɪ hanì gogha nàowo enùt'è: ‘Dò wezàa gòhɪ-le et'ì eɹàawɪ, hanìkò wets'èkeè ɹàà eda nɪdè wechɪ

yets'èkeè nayìchi ha họt'e, eyits'ò edıde gha chekoa nıle ha họt'e,' dek'eèhtl'è. ²⁰ Ełechı lòhdı gòhı ıle ts'edı. Gıde t'akwełòò ts'èko ıhchı, hanıkò wezaa gòhı-le et'ıi ełıwo. ²¹ Eyıt'à wetl'axòò wechı yets'èkeè xè honıdza. Ededı sı wezaa gòhı-le et'ıi ełıwo, eyits'ò wechı tai t'à wheda eyı sı wexè hagòjà, ²² eyits'ò ełechı lòhdı geet'eè hazòò gıxè hagòjà. Nòode ts'ò ts'èko ededı sı ełıwo. ²³ Eyıt'à dọ naıdàa dzeè k'e nıde eyı ts'èko ełechı lòhdı hazòò goxè họt'ı ne t'à amı ts'èkeè ełı ha?" gedı Zezi dageehke.

²⁴ Zezi gots'ò hadı, "Nòhtsı Nıhtl'è eyits'ò Nòhtsı enıyah t'à wegħa dı-le sı wek'eahsò-le t'à ekò-le naxıgha ehkw'ı-ahodı. ²⁵ Dọ naıdàa dzeè k'e nıde ełexè honıgedè ha nıle, yak'eet'ıı lagıt'e ha. ²⁶ Dọ ełıdè eyits'ò nagıdà ha sı eyı ghò naxıdıhsı: Moses wenıhtl'è k'e gogħo nı kò dèk'òò wegodıı wek'eyaahtı-le nı? Nòhtsı edegħò dıı hadı ıle: 'Abraham Wenòhtsı, Isaac Wenòhtsı eyits'ò Jacob Wenòhtsı aht'e,' dek'eèhtl'è. ²⁷ Eyıt'à dọ ełıdè għa Nòhtsı ełı nıle, dọ geeda għa Nòhtsı ełı họt'e. Naxı sı sı ekò-le nàıahdè!" Zezi gòhdı.

Nàowo denahk'e wet'aa?àa deè

²⁸ Nòhtsı-yatı-k'èdı-dòò ıle ekò nıtlà ekò Zezi Sadducee gııı goxè nàyaehtı yıkw'o. Zezi yatı ehkw'ıı goghàı?ò yenıedı ts'ıh?ò Zezi ts'ò hadı, "Moses wenıhtl'è gots'ò ayı nàowo denahk'e wet'aa?à?" yeħdı.

²⁹ Zezi yets'ò hadı, "Dıı nàowo sı denahk'e wet'aa?à họt'e: 'Israel got'ıı, seàhk'ò, gots'ò K'àowo Gonòhtsı họt'e, ededı sı ıle zò họt'e. ³⁰ Naxıdzeè hazòò t'à, naxıdàğhı sı t'à, naxıı eyits'ò naxıt'ı sı

t'à Nòhtsı weghonıahtq ha hqt'e.' 31 Nàowo wek'èè whezq sù dı hanı dek'eèht'è: 'Edeghonıahtq k'èè naxèot'ı gıghonıahtq ha hqt'e.' Eyı nàowo nàke sù denahk'e gogha wet'àazà hqt'e," yèhdi.

32 Nòhtsı-yatı-k'èdı-dqò Zezı ts'ò hadı, "K'àowo, ehkw'ı xàyanehı. Nòhtsı ıè hqt'e eyıts'q ededı zq Nòhtsı hqt'e. 33 Godzeè hazqò t'à, eyıts'q goını hazqò sı t'à weghonets'eètq, eyıts'q edeghonets'eètq k'èè gòet'ı gıghonets'eètq sı, Nòhtsı t'ası weghàts'ele eyıts'q wets'ò t'ası k'ets'eehk'ò nahk'e wet'àhoòzà hqt'e," yèhdi.

34 Eyı dq wını gqzq xè xàyahı Zezı yenıedı t'à, yets'ò hadı, "Nòhtsı Wenàowoò k'èè hòzq ts'ò nıwà-le wheèda," yèhdi. Dq ıızhagııı agedle ha gıwq-le t'à, ekò gots'q t'ası ghq Zezı dageehke-le agejà.

Christ amı Weza hqt'e?

35 Zezı Nòhtsıkò-gocho gà dq hoghàehtq ekò, gots'ò hadı, "Dànıghq Nòhtsı-yatı-k'ègedı-dqò Christ, k'àowocho David Weza ne gıhıdı? 36 K'àowocho David Yedàyeh Nezıı dahxà dı hadı ıle:

'Gots'ò K'àowo, sets'ò K'àowo ts'ò hadı: Amı nets'ò xànegıııaa sı hazqò gıghoıhne anehle gots'ò, nàgòts'ehneè k'e segà wheèda,' dek'eèht'è.

37 Hanı dek'eèht'è-ıdè, David 'sets'ò K'àowo' yèhdi nıdè dani t'à yeza elı weli?" Zezı gòhdi.

Dq ıq Zezı geèkw'q sù dani gots'ò xàyahı t'à gına.

38 Zezı dq hoghàgoehtq ekò gots'ò hadı, "Nòhtsı-yatı-k'ègedı-dqò gııı sı hotı gıxoahı. Goht'q nedèe wèdaat'ıı t'à kòta k'egedè xè dq gıts'ò nezıı naıaa sı gıgha nezı. 39 Eyıts'q elègehdeè-kò goyıı dq

wet'aaàa gha daèhchì whela k'e geèhkw'e eyits'ò nàsì holè-ìdè ìdaà geèhkw'e ghageewì. ⁴⁰ Ts'èko gidòzhì èlajìdèe sù goghò kò gihchì, eyits'ò dọ goghàgudà gùwò t'à whaa yagehtì. Hanù dọ sù hòt'ò dagùaaà agedle ha họt'e," Zezì gòhdi.

Ts'èko eteèt'ù sọm̄ba yet'à edaa hazòò nèyùla

⁴¹ Zezì Nòhtsìkò-gocho gha sọm̄ba-tòò yì sọm̄ba gelee yetadà wheda ekò, dọ lọ edesọm̄baà deyì gehdè goghàeda. Dọ ahxee lọ sọm̄ba lọ deyì gehdè. ⁴² Ts'èko eteèt'ù wedòzhì èlajìwoo sù eyì nùttà ekò satsọà dek'oo nechà-lea nàke deyì yìhde. Eyì satsọà nàke sù ìlè satsọà k'azì elì họt'e.

⁴³ Zezì edecheekeè gokayahtì gà gots'ò hadì, "Ehkw'ì anaxèehsì, eyì ts'èko eteèt'ù sù dọ hazòò nahk'e sọm̄ba deyìhde họt'e. ⁴⁴ Dọ hazòò sọm̄ba lọ gits'ò sù weta ts'ò mọhdaa zọ eyì nègùla, hanìkò eyì ts'èko eteèt'ù sù yet'à edaa sọm̄baà hazòò deyì yùwa," gòhdi.

13

Christ jọ ts'ò anade ha nìkw'o nìdè ayù ghàà wek'èhoedzọ ha

¹ Zezì Nòhtsìkò-gocho gots'òò naèhtà ekò wecheekeè ìlè hayèhdi, "K'àowo, waìda! Dù kò-gocho k'òqonì wèdaat'ì! Kwe dàhcho-so t'à hòèlì!" yèhdi.

² Zezì yets'ò hadì, "Eyì kò-gocho wèdaat'ù weghàìda nì? Kwe ìlè kò èlèka dawhela ha nùle, hazòò hodàet'ì ha họt'e," yèhdi.

³ Zezi shih Olivet gòyeh ekò wheda xè Nòhtsìkò-gocho ghàeda ekò Peter, James, John eyits'ò Andrew whatsò gits'ò-ède, hagiìhdì, ⁴ “Dàht'e-ìdè hagode ha sù gots'ò haìdì. Hagode ha nìkw'o nìdè ayì ghàà wek'èts'eezò ha?” giìhdì.

⁵ Zezi gots'ò hadì: “Hotù kexoahdì, naxìghoyagùzà sòò. ⁶ Dò lò sùzì t'à-aget'ì xè 'Christ aht'e,' gedi ha eyits'ò dò lò ghoyageezà t'à gogha ehkw'ì agedì ha. ⁷ Elegegò ghò aàhkw'o ha, hanìkò weghò dahjì-le. T'akweìòò eyì hazòò hagode ha hòt'e, hanìkò ekòet'ì nòòde dzeè k'e nèhòkw'ì ha nùle. ⁸ Dì nèk'e dò hazòò xàzàa elegegò ha. Dò eyì-le xàzàa lò ginèk'e dèè hòt'ò nàgòidà ha eyits'ò bò while agode ha. Eyì hazòò hagode ha sù ts'èko wezàa gòhè ha nìdè t'akweìòò weggha eya xèhoiwù sù eyì lagode ha hòt'e.

⁹ “Dò naxits'ò xànègùzàa sù gìxoahdì. Nàyaeti-kò ts'ò anaxegele ha eyits'ò eìegèhdèe-kò goyù naxìk'eegekwa ha. Sù sets'ìhzò k'àowocho eyits'ò dèe-ts'ò-k'àowo ginàdà naxìsìnìyaeti anaxegele ha, eyits'ò seghò gits'ò goahde ha. ¹⁰ T'akweìòò dì nèk'e dò hazòò xàzàa godì nezù hoghàgìahò ha. ¹¹ Danaxegìachì gà naxìghò nàyaeti nìdè wekwe-t'ì ayì dàahdì ha sù weghò nàniàhdè-le. Ekìyeè k'e nìdè yatì naxìghòt'à ha sù k'èè goahde. Naxì xàè naxiyatì t'à goahde ha nùle, hanìkò Yedàyeh Nezù wedahxà goahde ha hòt'e.

¹² “Ekìyeè k'e nìdè eìechì-t'ì k'aodè t'ì aàlègìhtè ha, eyits'ò gotà gùlù sù edeza hagole ha. Chekoa sù edèot'ì k'aodè t'ì aàgogìile xè eìàgogìhdee agogele ha. ¹³ Sù sets'ìhzò dò hazòò naxìdzagùhwhò ha, hanìkò amì nòòde ts'ò Nòhtsì ghò wì nì nàtsoò

adìhwhq̄q̄ s̄i edaxàweetè ha.

14 “T'asìh̄w̄ wet'à degai k'è gòzq̄q̄ tsìgowì ha s̄i eyì nàìza ha-le kò eyì nàìza weahz̄ì ha. (Amì eyì yek'eyahtì s̄i yeniedì weli.) Ekìyeè k'e nèhòìwo n̄dè Judea nèk'e d̄q̄ nàgedèe s̄i shìhta ts'ò kw̄ḡuhdè. 15 Eyì dzeè k'e n̄dè d̄q̄ edekò dahmò ka wheda n̄dè hodàwetla-le eyits'q̄ wekò goyì t'asì whelaa s̄i neyìwa gha goyawetla-le. 16 Eyits'q̄ d̄q̄ ededèe k'e eghàlaeda n̄dè ek'èt'à edezeè n̄ìzah ha edekò n̄q̄wetla-le. 17 Eyì dzeè k'e n̄dè ts'èko chekoa xè hotì geeda-le eyits'q̄ bebì t'ògeht'ò ageh̄z̄ì s̄i, s̄i ḡixè hoìla ha h̄q̄t'e! 18-19 Ekìyeè k'e kw̄ahdè n̄dè d̄q̄ hazq̄q̄ s̄i daḡz̄a ha t'à xo k'e agode ha-le gha yaah̄tì. N̄q̄ts̄ì d̄i nèe wheht̄s̄ì gots'q̄ d̄i dzeè ts'ò d̄q̄ h̄q̄t'ò daḡz̄a while, eyits'q̄ k'ach̄ hanagode ha n̄ile. 20 N̄q̄ts̄ì eyì hagode ha s̄i wegh̄onah̄t'èe ayìllà-le n̄dè d̄q̄ w̄z̄z̄ì edaxàeda ha n̄ile. Hanìkò N̄q̄ts̄ì d̄q̄ gòh̄ch̄i s̄i ḡigha dzè l̄q̄-lea adle ha. 21 Ekìyeè k'e d̄q̄ naxits'ò d̄i hagedì n̄dè, ‘Christ j̄q̄ wheda!’ hanì-le-ìdè ‘Yeè wheda,’ gedì n̄dè, naxìgha ehkw'ì agudì-le. 22 D̄q̄ m̄òhdaa hogets'ì t'à d̄i hagedì ha, ‘Christ aht'e,’ hanì-le-ìdè ‘Nakwenàoq̄q̄ aht'e,’ hagedì xè enìyah nechàa hogeht̄s̄ì ha. N̄q̄ts̄ì d̄q̄ gòh̄ch̄i s̄i gh̄q̄dageehnè ha d̄i-le n̄dè eyì d̄q̄ kò gh̄q̄yagee?à ha h̄q̄t'e. 23 Eyit'à kexoahdì; eyì hagode kwe eyì naxits'ò haehs̄ì s̄i hotì wenaahdì.

24 “Ekìyeè k'e hanì d̄q̄ ḡixè hoìla t'axq̄q̄-t'ì sa daaz̄a-le agode ha, adzèzah xè togoòt'ò agode ha, 25 eyits'q̄ wh̄q̄ hodàet'ì xè yat'a h̄q̄t'ò nàgoìdà ha.

26 “Eyì dzeè k'e D̄q̄-wet'aaaz̄a-deè enìyah t'à n̄atso xè k'oh k'e n̄it̄la ha, eyits'q̄ d̄q̄ hazq̄q̄ gez̄ì ha. 27 D̄q̄-

wet' àa2àa-deè edeyak'eet'ùì dũ nèk'e hazòò welò ts'ò goh2a ha. Nòhtsì dọ gòìhchì sì nàgogehtsì ha.

28 “Jìechots'ùì weghàà dũ hanì hoghànaxeehtò: Ts'ì wets'ìhchì dezhì-le at'ì xè wets'ò ìt'òà xàlaekè nìdè hòt'a ìmbè agode ts'ò whaà-le wek'èts'eezò họt'e. 29 Eyì xèht'eè t'asì hazòò weghò goihdee sì weghàahda nìdè weghàà eyì dzeè wets'ò nìwà-le nèhòkw'o họt'e wek'èahsò ha. 30 Ehw'ì anaxèehsì, ekìyèè k'e dọ geedaa sì eyì hazòò hagode kwe èlààgede ha nùle. 31 Yak'e eyìts'ò dèè whìle agode ha họt'e, hanìkò seyatì wùzì sì whìle ade ha nùle.

Ayì dzeè k'e agode ha sù wek'èhoedzò nùle

32 “Dọ wùzì ayì dzeè k'e agode ha sù yek'èezò nùle, yak'eet'ùì kò gìk'èezò nùle, eyìts'ò Nòhtsì Weza ededì kò yek'èezò nùle, Gotà ededì zò yek'èezò họt'e. 33 Eyit'à edexoahdì xè sìniahkw'e! Ayì dzeè k'e hagode ha sù wek'èahsò nùle. 34 Dũ godì lagode ha: Dọ ahxee t'asì gòòwà ts'ò kòtaetlà ha t'à edecheekèè t'asì hazòò ts'ò k'àhopedè agòòlà eyìts'ò gitaàt'eè la goghàìzò. Eyìts'ò detlà kwe enìtò-k'èdì-dòò ts'ò hadì, 'Hotì kexoihdì,' yèhdì.

35 “Eyit'à kexoahdì! Ayì dzeè k'e kò ts'ò k'àowo nòòtlà ha sù wek'èahsò nùle. Xèhts'ò nòòtlà ha tahkò, totanì tahkò hanì-le-ìdè k'omòòdòò et'ì nìtlà ha tahkò. 36 Hòtsaa nìtlà nìdè wheachte welè sòò. 37 Naxìts'ò dàehsì sù dọ hazòò sì ts'ò haehsì họt'e, 'Kexoahdì!' ” gòhdiì goxè godo.

14

Ts'èko Zezì k'e yìk'eeht'òo ayìlà

1 Dzeèdeè Passover gha nàsì hoè ts'ò nàke dzeè whìle agòjà. Eyì dzeèdeè k'e lèt'èa dẹ lèt'è ghò

shègezhe họt'e. Yahtu-gha-k'aodèe eyits'ò Nòhtsı-yatı-k'ègedı-dò Zezi ełààgıhwı ha gıwò t'à, dani dò naàhtò dageechı ha sı kak'egeet'ı. ² Hanikò elets'ò hagedı, “Dzèdeè Passover ekıyeè k'e ats'ılele. Hats'ıllà nıdè dò xè nıdahoıwı ha sını,” gedi.

³ Ekıyeè k'e kòta Bethany Zezi Simon wekò wheda. (Simon gokwò tàda t'à eyıılè.) Ekò ts'èko kwetòqà yı yik'eet'òo dètı k'ehtı xè Zezi ladà k'e shètı ts'ò èhtła. Kwetòqà nàyıızhı gà yik'eet'òo yekwı k'èht'ı.

⁴ Hanikò dò mòhdaa eyı geèkw'ee sı gıgha nezi-le t'à, elets'ò hagedı, “Ayıha dı yik'eet'òo t'ası kaà-le nałayeht'ı? ⁵ Eyı yik'eet'òo sı ıle xo eghàlats'ıdà xètò eı họt'e. Sòmba lò k'èxa weghò nàedi gà dò-teèt'ı ghàyele ha ıle,” gedi. Eyıt'à yatı nàtsoo t'à eyı ts'èko ts'ò sqagedı.

⁶ Zezi gots'ò hadı, “Whatsò awet'ı. Ayıha dı ts'èko ts'ò sqahdı? Segha t'ası nezi hayıllà họt'e. ⁷ Dò eteèt'ı sı t'aats'òò naxıxè geeda ha họt'e, eyits'ò t'alàa-sı k'e gıts'àahdı ha dı-le, hanikò sı sı t'aats'òò naxıxè whıhda ha nıle. ⁸ Ayı segha hayele ha dı-le sı hayıllà họt'e. Dı yik'eet'òo sezhi k'e nałayeht'ı sı sekw'òò nıtı dzèè daà ayıllà họt'e. ⁹ Ehkw'ı anaxèehsı, edı nèk'e segodı nezi t'à ełexè gogedoo sı dı ts'èko segha ayı dáyıllà sı weghò ełexè gogedo ha họt'e. Ayı dáyıllà sı dò gınadı ha họt'e,” gòhdı.

¹⁰ Eyı t'axòò wecheekè hòno-daats'ò-nàke gots'ò ıle, Zhıdàà-İscarıyot wıyeh, Zezi yahtu-gha-k'aodèe t'áàyehtè ha nıwò t'à gots'ò èhtła. ¹¹ K'aodèe eyı ghò gıkw'o ekò sı gına t'à gıts'ò hadı, “Sòmba

lọ nets'ats'eehdi ha,” giñhdi. Eyit'à dani Zezi k'aodèe gotl'aàyehtë ha sù gha naèhzi.

Zezi edecheekeè xè nõode shètì

¹² Passover dzeè xèhòwo ekò (eyi dzeè k'e taat'eè yahtì, Passover gha, sahzòà Nòhtsì ts'ò gik'eek'ò), Zezi wecheekeè dageehke, hagedì, “Edjì nàsì Passover ghò shètì ha? Negha siigots'ele ha neewò nì?” giñhdi.

¹³ Zezi edecheekeè nàke gots'ò hadì, “Jerusalem ts'ò laahtle, ekò dọ kwetọ t'à tì naehtì naxinìhdò etla ha. Wek'èè-t'ì aahde. ¹⁴ Kò goyaèhtla nìdè dọ wekò agòht'ee sù wets'ò dù haahdi, ‘Gots'ò K'àowo nets'ò hadì: Edjì shètìs'ezhe gha gòzọ? Secheekeè gixè nàsì Passover ghò shètì ha dehwhò,’ wèahdi. ¹⁵ Eyi dọ dahkò gòchàa gòzọ ekò t'asì hazọ ts'atà whelaa sù ts'ò naxeewa ha. Ekò shètìs'ezhe gha siigoahle,” Zezi gòhdi.

¹⁶ Eyit'à wecheekeè nàke Jerusalem ts'ò lègeèhtla, Zezi dàgòhdi sù hotù wek'èè hagòjà. Eyit'à Passover gha nàsì sinìhogìzọ.

¹⁷ Xèhts'ò agòjà ekò Zezi edecheekeè hoònq-daats'ò-nàke xè eyi nìitla. ¹⁸ Ladà k'e shègezhe ekò, Zezi hagòhdi, “Ehkw'ì anaxèehsì, dọ lè naxita whedaa sù k'aodèe t'l'aasihtë ha; naxita dọ lè sexè shètì sù eyi họt'e,” gòhdi.

¹⁹ Wecheekeè sù gìgha dii, ełek'èdaà Zezi ts'ò hagedì, “Sì asìdì-le nì?” giñhdi.

²⁰ Zezi hagòhdi, “Secheekeè hoònq-daats'ò-nàke gots'ò lè họt'e. Amì sexè kw'àyìyì yì lèt'è tenaht-soo sù eyi họt'e. ²¹ Hotù Nòhtsì Nìhtl'è k'e dani dek'eèhtl'è k'èè Dọ-wet'àazàa-deè ełàawì ha họt'e, hanìkò amì k'aodèe gotl'aàyehtë ha sù wegħa hoìla

nechà ha họt'e. Eyì dọ wegòhì-le nìdè denahk'e wegħa nezì ha ìlè," gòhdi.

²² Shègezhe ekò Zezì lèt'è neyìichì gà yek'eèyàhtì. Eyì t'axòò lèt'è tàyìzhì, edecheekeè goghàyìdì, hadì, "Dù lèt'è ààhchì, wegħò shèahzhe. Dù sezhì họt'e," hadì.

²³ Eyì t'axòò libò neyììhgè gà yek'eèyàhtì eyìts'ò k'achì edecheekeè goghàyìhgè gà wets'ò giadó.

²⁴ Eyìts'ò gots'ò hadì, "Dù sedoò họt'e sù wet'à nakenahòdlì họt'e. Dọ lọ għa sedoò xàit'ì," gòhdi.

²⁵ "Ehkw'ì anaxèehsì, dù jìetì k'achì naxìxè nahdọ ha-le. Nòhtsì Wenàowoò k'èè hòzọọ wexèhọòwo nìdè k'achì naxìxè jìetì wegòò ehdọ ha," gòhdi.

²⁶ Shì giájì t'axòò shìh Olivet gòyeh ts'ò xàgède.

Peter Zezì k'èezọ-le hadì ha

²⁷ Ekọ geèhkw'e ekò Zezì gots'ò hadì, "Naxì hazọò sets'òò kwjahdè ha. Dànì dek'eèht'èe sù wek'èè agode ha:

'Sahzọq-k'èdì-dọò nàweeht'ì ha eyìts'ò sahzọq hazọò ehkègeh?à ha,' dek'eèht'è.

²⁸ Hanìkò naihdà t'axòò nìdè naxìnakweè Galìlee nèk'e ts'ò ahde ha," gòhdi.

²⁹ Peter yets'ò hadì, "Dọ hazọò nets'òò kwjgeèhde kò sù hahde ha nùle," yèhdi.

³⁰ Zezì yets'ò hadì, "Ehkw'ì anèehsì, dù toò et'ì k'àba nàekeè ezeh kwe, taà-eh't'aa sek'èizọ-le nùdì ha họt'e," yèhdi.

³¹ Hanìkò Peter yets'ò hadì, "Nexè ełahwhì ha nọò kò, nek'èehsọ-le dehsì hqìlì ha nùle," yèhdi. Wecheekeè hazọò, ededì sì, hagedì.

Zezì wegħa dù xè Nòhtsì ts'ò yahtì

³² Eyɪ tʰaxɔ̀ò Gethsemana gòyeh ts'ò geède. Zezi gots'ò hadɪ, “Jɔ naahzɪ. Yahdaà nèehtɫa gà yahtɪ ha,” gòhdi. ³³ Peter, James eyɪts'ɔ John edexè goòwa. Sì wegħa dìi agòjà, ³⁴ hagòhdi, “Sìi segħa dìi t'à, eɫaehwhɪ ha lanì. Jɔ sedaahkw'e xè kexoahdi,” gòhdi.

³⁵⁻³⁶ Iɫaà gɔ̀ɔwà-lea nìitɫa, dèè k'e nàgòìhgè xè yahtɪ hadɪ, “Abà, Setà, t'asìi negħa dìi gòhɫ-le. Dii wet'à dàih2aa sìi sets'òò anele. Hanìkò sìni k'èè welè-le; nini k'èè welè,” Zezi hadɪ yahtɪ.

³⁷ Yahtɪ tʰaxɔ̀ò edecheekè tai goghɔ̀ nòòtɫa ekò geète nòò. Peter ts'ò hadɪ, “Simon, wheetɪ nòò. Iè sadzeè kò sexè ts'igòdi ha dìi nì? ³⁸ Hoɫɫ naxɪdaèht'è ch'à edexoahdi xè yahtɪ, hanì-ìdè hoɫɫ naxɪdaèht'è ha-le. Naxɪts'ɔ ìni ehkw'ɪ anɪwɔ̀, hanìkò wek'èè aahda ha wèhoedi-le,” gòhdi.

³⁹ Zezi k'achɪ yahtɪ ha ekɔ̀ naèhtɫa, yatɪ eyɪ-t'ìi t'à yahtɪ. ⁴⁰ Edecheekè goghɔ̀ nòòtɫa ekò sìi begeèxɪ t'à k'achɪ gete nòò. Zezi ts'ò agudì whìle.

⁴¹ Eyɪ tʰaxɔ̀ò taà-eh't'aà decheekè gots'ò naèhtɫa, hagòhdi, “Iɫaà wheahte nì aaht'e? Hòt'a! Dɔ̀- wet'aa2àa-deè hoɫɫ-hogehtsɪ-dòò tʰaàgɪhtè ha nìhɔ̀ɔwo. ⁴² Nìahdè, nats'ùdè. Amìi hoɫɫ-hogehtsɪ-dòò ghàsìhtè ha sìi jɔ nìitɫa,” Zezi gòhdi.

Zezi gùhchi

⁴³ Iɫaà Zezi edecheekè gots'ò gode et'ìi wecheekè hoònɔ̀-daats'ò-nàke gots'ɔ Iè, Zhɪdàà wiyeh, eyɪ nìitɫa. Dɔ̀ ɫò behcho eyɪts'ɔ dechɪ k'egele xè wexè eyɪ nègùde. Yahtɪ-gha-k'aodèe, Nòhtsɪ-yatɪ-k'ègedì-dòò eyɪts'ɔ ɔhdah gùɫɫ sìi dɔ̀ ekɔ̀ ts'ò gogh2à.

44 Zhidàà, Zezi k'aodèe gotl'aàyehtë ha sù, dọ yexè aget'ù ts'ò dù hadi ìlè, “Dọ wehts'ù sù eyi wèahchi. Eghoq-dọq, k'aodèe ts'ò geechù agiahlè,” gòhdi ìlè. 45 Zhidàà ekòet'ù Zezi ts'ò èhtla gà yets'ò hadi, “K'àowo!” yèhdi gà yùts'ì. 46 Eyit'à dọ Zezi negùchì. 47 Eyì hagòjà ekò Zezi wecheekeè ìlè behcho xàechì gà yahtù-wet'àazàa-deè wecheekeè ìlè yedzeèbàa dachùhwho.

48 Eyì t'axòq Zezi dọ hazòq ts'ò hadi, “Ayìha behcho eyits'ò dechù sets'ò k'eahlè? Elets'egò gha aht'ì dahwhò nì? 49 Dzè taat'eè Nòhtsìkò-gocho gà dọ hoghàehtò ìlè, hanikò sèahchì-le ìlè. Nòhtsì Nìhtl'è k'èq agode ha t'à, dù hagode ha t'ùt'e,” gòhdi. 50 Hadì t'axòq wecheekeè hazòq gits'òq natimogeèhde xè kwìgeèhde.

51 Cheko ìlè zeh nedèe zò t'à-at'ù sù Zezi k'èè èhtla. Dọ eyi cheko dagiachì ekò, 52 edezeè ìdè aèhchì ayìlèlè gà ìht'edè kwìèhsa.

Zezi weghò nàyaeti

53 Dọ Zezi dagiachì sù yahtù-wet'àazàa-deè wekò ts'ò geèhchì. Yahtù-gha-k'aodèe, qhdah gùlù, eyits'ò Nòhtsì-yatù-k'ègedì-dọq ekò elègehde. 54 Peter ìdè sìghajwàà gok'èè etlè, yahtù-wet'àazàa-deè wekò gà kwekwù nawhezà ts'ò gok'èè nùtla. Goyaèhtla gà enìtò-k'ègedì-dọq gogà dèhkwà xè naìgwì.

55 Yahtù-gha-k'aodèe eyits'ò k'aodèe yàgùlù hazòq Zezi elàagehwhì ha gùwò. T'asìjù t'à Zezi k'e nìdahogeezà ha dọ dageehke, hanikò t'asì t'à yek'e nìdahogeezà ha sù gogìhòq-le. 56 Dọ lq hogets'ì t'à gik'e nìdahòq, hanikò weghò elèk'èq agedì-le.

57 Eyì t'axòq dọ mòhdaa negùde gà weghò hogets'ì, dù hagedì: 58 “Eyì dọ dù hadì wets'ùkw'o,

'Nòhtsikò-gocho dọ yehtsɪ sɪ wɛdɪhohtsɪ ha eyɪts'ɔ tai dzɛɛ k'ehɔqwo nɪdè k'achɪ ɪlè dọ yèhtsɪ-le sɪ nahtsɪ ha, ' hadɪ ɪlè," dọ nàke hagedɪ. ⁵⁹ Hanikò eyɪ dọ sɪ wegho ełek'èè agedɪ-le.

⁶⁰ Eyɪt'à yahtɪ-wet'àazàa-deè gonadaà nùtla gà Zezì ts'ò hadɪ, "Dọ neghò dàgedɪ sɪ wek'e xàyahtɪ ha-le nì? Dọ ayɪ ghò nek'e nìdahogeezàa sɪ wegho dàɪdɪ ha?" yèhɪ. ⁶¹ Hanikò Zezì xàyahtɪ-le. Eyɪt'à yahtɪ-wet'àazàa-deè k'achɪ hayèhɪ, "Nòhtsɪ Weza, Christ anet'e nì?" yèhɪ.

⁶² Zezì yets'ò hadɪ, "Eyɪ aht'e. ɪdaà nɪdè Dọ-wet'àazàa-deè Nòhtsɪ t'asɪ wegha dii-le sɪ gà nàgòts'ehnee wheda weahzɪ ha. ɪdoo yak'e gots'ɔ k'oh xè nùtla ha," yèhɪ.

⁶³ Hadɪ t'à yahtɪ-wet'àazàa-deè sɪ wek'èch'a t'à edezèè tàɪhdla gà dọ gots'ò hadɪ, "Hòt'a k'achɪ dọ gɪk'e nìdahogeezà-le kò. ⁶⁴ Goxɪ xàè Nòhtsɪ k'èch'a xàyahtɪ sɪ wets'ìhkw'o ne. Dàni wesɪnyaahtɪ ha?" gòhɪ.

"Dàdɪ k'èxa ełàawɪ ha," gedɪ, hazòò gɪsɪnyaahtɪ. ⁶⁵ Eyɪt'à dọ mòhdaa gɪk'e geezè, eyɪts'ɔ wedaà k'e eht'ɪ ełègeezà gà nàgeeh'tɪ, gɪts'ò hadɪ, "Nakwenàozòò lanì gots'ò goɪde!" gùhɪ. Eyɪ t'axòò enìtò-k'èdì-dòò nigùchì gà gɪkwòqyaà-gɪlà.

Peter Zezì k'èezò-le hadɪ

⁶⁶ Ekɪyeè k'e Peter eyɪ kò-gocho gà mòht'a wheda ekò t'eekea eyɪ eghàlaedaa sɪ yexa èhtla. ⁶⁷ Peter naìgwɪ yaɪ ekò nezɪ yeghàɪdà gà hadɪ, "Nɪ sɪ Nazareth got'ɪ Zezì xè anet'ɪ ɪlè," yèhɪ.

⁶⁸ Hanikò Peter yets'ò hadɪ, "ɪle, sɪ aht'ɪ nùle. Ayɪ ghò goɪde aɪdɪ sɪ wek'èehsɔ-le," yèhɪ. Eyɪ t'axòò xàgozàa k'è gà nùtla.

⁶⁹ K'achì t'eekoa ekò yaɔɔ t'à dọ eyi nàgèèhzaa sù gots'ò hadì, “Dù dọ, Zezì wecheekeè goxè at'ì jìlè,” gòhdi. ⁷⁰ K'achì hadì, “Jìle, gixè aht'ì nùile!” yèhdi.

Whaà-lea t'axòò dọ mọhdaa Peter gà nàgèèhzaa sù gits'ò hadì, “Ehkw'ì t'à, Galilee got'jì anet'e t'à wecheekeè jìlè anet'e ne,” gùhdi.

⁷¹ Yatì nàtsoo t'à hadì, “Ehkw'ì aehsì-le nùdè wek'èxa segha hoìla welè. Eyì dọ weghò goahdee sù wek'èehsò nùile!” gòhdi.

⁷² Hadì ts'òet'ù k'aba nàekeè whezeh. Hanì et'ù Peter, Zezì dàyèhdi jìlè sù yenadi. “K'aba nàekeè ezeh kwe, taà-eh't'aa sek'èizò-le nùdì ha,” yèhdi jìlè. Peter sù wegħa dùi agòjà t'à sù ededzeè t'à jtsè.

15

Zezì k'àowo Pilate nadaqà nàwo

¹ K'omòòdòò et'ù yahtì-gha-k'aodèe, ohdah gùjì, Nòhtsì-yatì-k'ègedì-dòò eyits'ò dọ hazòò làà nègùidee sù Zezì sinìyagùhtì. Wìlè eleet'jì agùlìlè t'axòò ekò gots'òò nageèhchì gà k'àowo Pilate t'aağùhtì.

² K'àowo Pilate dayeehke, hayèhdi, “Israel got'jì għa k'àowocho anet'e nì?” Zezì yets'ò hadì, “Hèzè, dàidì sù k'èè họt'e,” yèhdi.

³ Yahtì-gha-k'aodèe gùjì sù t'asì lò gik'e nìdahogùhòò. ⁴ Eyit'à k'àowo Pilate k'achì dayeehke, “Edegha xàyahtì ha-le nì? T'asì lò nek'e nìdahogùhòò sù wenùdì sònaà,” yèhdi.

⁵ Hanìkò Zezì xàyahtì-le t'à k'àowo Pilate wegħa enìyah dùi.

⁶ Dzèdè Passover k'e nùdè dèe-ts'ò-k'àowo gñàowoò k'èè dọ jìlè wedaètòò sù dọ ts'ò xàetla

ayehzì. Amù ayele ha sù dọ hazọ̀ ededì dọ gihchì agohzì. ⁷ Ekìyèè k'e dọjù Barabas wìyeh wedaàniṭọ̀ ilè. Eyì dọ sù dèe-ts'ò-k'àowo ts'ò elegegọ̀ goxè aet'ì t'à dọ eḷahdè ilè. ⁸ Dọ hazọ̀ k'àowo Pilate ts'ò geède gà inẹ̀ gogha ayì dàyìlà ilè sù gogha haḷe giùhì.

⁹ Eyit'à k'àowo Pilate gots'ò hadì, “Israel got'ù gha k'àowocho naxits'ò xàetlāà awehḷe ha seahwhọ̀ nì?” gòhì. ¹⁰ Yahtu-gha-k'aodèe gùlù sù Zezì ghọ̀ ts'ohogeedì gok'èezọ̀ ts'ihzọ̀ adì. ¹¹ Hanìkò yahtu-gha-k'aodèe sù k'àowo Pilate, Barabas gots'ò xàetlāà ayele ha gùwọ̀ t'à dọ hazọ̀ nìdahogùhde agogùlā.

¹² K'àowo Pilate dagoehke, “Ekò dù dọ Israel got'ù gha k'àowocho wèahdù sù, dàwehḷe ha?” gòhì.

¹³ Dọ hazọ̀ gezeh, hagedì, “Dechjet'aa k'e wedeàhtsò!” gedi yagìzeh.

¹⁴ K'àowo Pilate gots'ò hadì, “Ayì gha? Ayì hoila hòèhtsì k'èxa?” gòhì.

Hanìkò k'èdaà hòt'ò yagìzeh, hagedì, “Dechjet'aa k'e wedeàhtsò!” giùhì.

¹⁵ K'àowo Pilate dọ hazọ̀ gini k'èè ha nìwọ̀ t'à Barabas gots'ò xàetlāà ayìlā. Zezì nàgùhkwaà ayìlā t'axọ̀ dechjet'aa k'e wediùtsò ha eghọ̀-dọ̀ got'àyìhṭì.

Eghọ̀-dọ̀ Zezì k'adageedè

¹⁶ Zezì k'àowo Pilate wekọ̀ gocho (Praetorium gòyeh) ts'ò geèhchì, ekọ̀ eghọ̀-dọ̀ lọ̀ eyì nègùde agogùlā. ¹⁷ K'àowochozèè dek'o-dezọ̀ yì giùhṭì gà jchìghò degeèt'ì t'à kwit'ù gèhtsù sù Zezì wekwì k'e nègeèchì. ¹⁸ Eyits'ọ̀ gezeh xè hagiùhì, “Israel got'ù gha k'àowocho weghàsots'eedì!” gedi yagìzeh. ¹⁹ K'àowocho wetèh t'à wekwì k'e nàgeeht'ì, k'èdaà wekwì nàgeeht'ì eyits'ọ̀ gik'e geezè. Wets'ò

nàgògehge gà gìghàsòpedi laget'ì. ²⁰ Hanì gìk'alaìdè t'axòò k'àowochozèè dek'o-dezòò yì xàgùhtì gà wegoht'òò yì nagùhtì. Eyì t'axòò dechjet'aa k'e wediùtsò ha ts'ò geèhchì.

Zezi dechjet'aa k'e wediùtsò

²¹ Ekò k'e kòta Cyrene gots'ò dọ ìlè goghaetla, Simon wiyeh (Alexander eyits'ò Rufus gita). Eyì dọ Jerusalem ts'ò èhtla ìlè, hanikò eghòò-dòò Zezi gha dechjet'aa naetù agiìlà. ²² Eyì t'axòò Zezi Golgotha gòyeh ts'ò geèhchì. (Golgotha gedu sù “dọ kwìkw'òò k'è” gedu-agedi.) ²³ Jìetì eyits'ò nàèdì “myrrh” wexè eleta Zezi ghàgùdì, hanikò yets'è ha nìwò-le. ²⁴ Eyì t'axòò eghòò-dòò dechjet'aa k'e dexegùhtsò. Wegoht'òò eletaàgeelè gha ekw'òà k'egèhdè.

²⁵ K'omòòdòò lòtòò nìzòò ekìnyèè Zezi dechjet'aa k'e dexegùhtsò. ²⁶ Ayì t'à gìk'e nìdahogùzòò sù dek'enègùt'è; du hanì dek'eèht'è: Israel got'ì gha K'àowocho. ²⁷⁻²⁸ Dọju nàke weghòhk'eè dexegùhtsò. ²⁹ Dọ gìxanageedè sù yatìju t'à gìk'adaedè xè gits'ò nòkwìgeeye, hagedi, “Nòhtsìkò-gocho wedihòhtsì ha eyits'ò tai dzèè t'à nagohtsì ha, nùdì ìlè. ³⁰ Hot'èè dechjet'aa k'e ts'ò hodàitla gà edaxàdùtè!” gùhdi.

³¹ Eyì xèht'èè yahtù-gha-k'aodè eyits'ò Nòhtsì-yatù-k'ègedu-dòò gìk'adaedè, elets'ò hagedi, “Dọ eyi-le edaxàwhela, hanikò edaxàdeetè ha dii! ³² Du Christ aht'e edèhdù sù Israel got'ì gha k'àowocho ehì hadì ne! Dechjet'aa k'e ts'ò hodàèhtla nùdè gogha ehkw'ì adì ha,” gedì. Dọju nàke weghòhk'eè gidùtsò sù, ededì sù, gìk'adaedè.

Zezi elatwo

³³ Dzeṭani nìṛṛṛ ekò tai sadzeè ts'ò eyi nèk'e hazòṛ ts'ò togoòt'ò agòjà. ³⁴ Tai nìṛṛṛ ekìiyèè Zezi hòt'ò whezeh, hadi, “Eloi, Eloi, lama sabahtani?” (“Eloi, Eloi, lama sabahtani?” gedi nṛdè “Senòhtsi, Senòhtsi, ayiṛha sets'òṛ anejà?” gedi-agedi.)

³⁵ Dṛ mòhdaa eyi nàgeèhzaa sù giṛkw'o ekò hagedi, “Nakwenàozṛṛ Elijah hayahtù adì,” gedi.

³⁶ Dṛ ṛlè ekṛ tṛmṛṛèhza, eht'ṛ lanu jìetì dṛts'aa ta nawhehtsoò ayìlṛ, dechṛ nedèe welṛ wexeet'ṛ ayìlṛ gà Zezi wewà k'e ayehṛ. Hadì, “Hòt'a what-sòṛ awet'è. Weghàts'ùdà, asìṛ Elijah edaxàyehtè ha lì,” hadì.

³⁷ Zezi hòt'ò whezeh t'axòṛ nṛṛṛde xàèhji.

³⁸ Ekìiyèè k'e Nòhtsṛkò-gocho goyì enìt'ì nedèe ṛdòo gots'ṛ ṛzhù ts'ò tanu ṛats'ṛṛṛ. ³⁹ Eghṛṛṛ-dṛṛṛ gha k'àowo Zezi gà nàwoo sù ezeh yìkw'o xè dànì eṛṛṛwo yaṛ ekò hadì, “Ehkw'ì t'à dṛ dṛ Nòhtsṛ Weza hṛt'e!” hadì.

⁴⁰ Ts'èko mòhdaa ṛdè hoòṛṛ nàgeèhza gà dànàhòwoo sù goghàgeeda. Mary-Madlè, Mary, James (gochṛ wiyeh) eyits'ṛ Josès gṛmṛ, eyits'ṛ Salome ts'èko haàtṛṛṛ goxè aget'ṛ. ⁴¹ Galilee nèk'e eyi ts'èko Zezi k'èè k'egedè ṛlè, t'asù t'à gṛts'adì ṛlè. Ts'èko eyi-le ṛṛ Zezi xè Jerusalem ts'ò nèṛṛṛṛṛ sù ededṛ sṛ ekṛ nàgeèhza.

Zezi wekw'òṛ nìṛṛ

⁴² Nòhtsṛ Dzeṛ gha sṛnìhogìṛṛàa dzeṛ k'e eyi hazòṛ hagòjà. (Sṛnìhogìṛṛàa dzeṛ Nòhtsṛ Dzeṛ kwe wheṛṛ hṛt'e.) Eyit'à xèhts'ṛ agodaade ekò ⁴³ Arimathea got'ṛ Joseph, Zezi wekw'òṛ hodàechṛ ha nṛwṛ t'à, wṛnì nàtsoo xè k'àowo Pilate ts'ò èhtṛ. Eyì dṛ Joseph Israel got'ṛ gha k'aodèe gota wheda xè k'àowo

wet'aa2aa eɬi hɔt'e. Edeɬi sɪ Nɔhtsɪ Wenàowoò k'èè hòzɔɔ danaèh2ɪ ìlè. ⁴⁴ K'àowo Pilate Zezi hòt'a eɬaɪwo yeghɔ ɪkw'o ekò sɪ wegħa enɪyah. Eyit'à eghɔɔ-dɔɔ għa k'àowo kayahɪtɪ, asɪ Zezi hòt'a eɬaɪwo għa dayeehke. ⁴⁵ Eghɔɔ-dɔɔ għa k'àowo “Hɛ2ɛ,” yèhɪ t'à k'àowo Pilate Zezi wekw'òò Joseph t'aa2ɪhɪtɪ. ⁴⁶ Eyit'à Joseph ehtɪ'ɪ nàèhɪ, dechɪet'aa k'e ts'ɔ Zezi wekw'òò hodàèhtɪ gà nezɪ ehtɪ'ɪ wemoèhdoò ayɪlà. Eyits'ɔ kwe yɪ dɔkw'òò għa gòzɔɔ k'è yekw'òò nèyɪtɔ. Eyɪ t'axɔɔ kwe nechàa enɪzɔɔ ayɪlà. ⁴⁷ Mary-Madlè eyits'ɔ Joses wemɔ Mary, edɪ Zezi nègɪhɪtɪ gɪa2ɪ.

16

Zezi naidà

¹ Nɔhtsɪ Dzɛ2è t'axɔɔ ek'èdaedzɛ2è k'e Mary-Madlè, James wemɔ Mary eyits'ɔ Salome Zezi wekw'òò segele ha gɪwɔ t'à dɔkw'òò għa yik'eetɪ'òò nàgeèhɪ. ² Eyit'à Nɔhtsɪ Dzɛ2è t'axɔɔ k'omɔɔdɔɔ èhkɔ ts'òet'ɪ, ts'èko edɪ Zezi wekw'òò whetɔɔ sɪ ts'ò geède. ³ Eɬets'ò hagedɪ, “Zezi wekw'òò kwe yɪ whetɔɔ sɪ kwe nechàa enɪzɔɔ là amɪ gogħa yɪzɔɔ ayɪlà lɪ?” gedɪ.

⁴ Hanikò eyɪ nègɪde ekò kwe yɪ Zezi wekw'òò whetɔɔ sɪ wets'òdaà kwe nechàa enɪzɔɔ sɪ yɪzɔɔ wede2yɪ nɔɔ. ⁵ Kwe yɪ Zezi wekw'òò whetɔɔ k'è goyageède ekò nàgòts'èhnèe k'e cheko wheda gɪa2ɪ. zeh degoo nedèe yɪ wheda. Ts'èko gɪa2ɪ ekò sɪ dahdzɪgɪde.

⁶ Eyɪ cheko ts'èko gots'ò hadɪ, “Dahɪ-le. Zezi, Nazareth got'ɪ, dechɪet'aa k'e eɬaɪwo wekak'eaht'ɪ sɪ naidà ìlè! Eyit'à jɔ wheda-le. Edɪ wekw'òò

whetq ìlèè sù wetl'axqò k'eaht'ì. ⁷ Wecheekeè eyits'q Peter gıts'ò naahdè gà dıı hagiãhdı, 'Naxınakweè Galilee nèk'e ts'ò ade ha. Hòt'a naxıts'ò hadı ìlè k'èè ekq weahzı ha, 'giãhdı," eyı cheko gots'ò hadı.

⁸ Eyı ts'èko tai dahdzıgıdè, ts'ehı laget'ı xè ekq gots'òq natımqgeèhde. Sù geejı t'à dq wıızı ts'ò hagedı-le.

⁹ Nòhtsı Dzeè t'l'axqò Zezı naıdà ekò t'akwełòq Mary-Madlè ts'ò wègoèht'ì. Eyı ts'èko ìnhı lòhdı yeyı gots'q xàdeèzhı ìlè. ¹⁰ Mary-Madlè dq Zezı xè agıat'ı sù gots'ò naèhtla, Zezı ghq gıgha dıı xè getse ìlè. Wexè dàgòjàa sù ghq gots'ò hadı. ¹¹ Zezı naıdà eyits'q Mary-Madlè yazı ghq gıkw'o ekò gıgha ehkw'ı-ahodı-le.

¹² Eyı t'l'axqò Zezı gıta ts'q dq nàke ts'ò eładı k'èè wègoèht'ì. Eyı dq nàke t'ası nałegıatle ìlè. ¹³ Eyıt'à ìdè dq hazqò ts'ò nałegeèhtla, gıxè dãnàhòwoo sù gots'ò hagedı, hanıkò ìlaà gıgha ehkw'ı-ahodı-le.

¹⁴ Nqode wecheekeè hoòdq-daats'ò-ìlè shègezhe ekò Zezı gota wègoèht'ì. Zezı naıdà t'l'axqò dq ts'ò wègoèht'ı sù ìlaà gıgha ehkw'ı agedı-le t'à, "Dànıghq naxını nàtso-le?" Zezı gòhdı.

¹⁵ Eyits'q gots'ò hadı, "Dıı nèk'e hazqò ts'ò aahde, godı nezı dq hazqò ts'ò haahdı. ¹⁶ Amı wegħa ehkw'ı-ahodı xè wek'ètaıdzq sù edaxàweetè ha, hanıkò amı wegħa ehkw'ı-ahodı-le sù wegħa hoıla ha. ¹⁷ Eyits'q dq gıgha ehkw'ı-aeħsı sù enııyah hogeħtsı ha: Sedahxà ìnhı xàdegeezħı ha; yatı eładı xàzaa k'èè gogede ha; ¹⁸ edılà t'à gòo negıle ha; nàèdıghı gedq kò wet'à t'asagede ha-le; edılà

dọ eyagụlụ k'e agehzi nɔdè k'aàt'ìì agede ha," Zezi gòhdi.

¹⁹ Gots'ò K'àowo hanì gots'ò goɔde t'axòò ɔdòo yak'e ts'ò nɔwìtì eyìts'ò Nòhtsì gà nàgòts'ehnèè wheda. ²⁰ Eyì t'axòò wecheekèè godì nezù t'à dọ xè gogedo ha hazòò nèk'e ts'ò agejà. Gots'ò K'àowo goxè eghàlaeda eyìts'ò enìyah ɔ hogèhtsì agohzi weghàà wegodì ehkw'ì họt'e wek'èhoedzòò ayìlìlà.

Nòhtsı Nıhtl'è
Dogrib: Dogrib Genesis & New Testament New
Testament & Portions of Old Testament

copyright © 2009 Canadian Bible Society

Language: Dogrib

Translation by: Canadian Bible Society

Tłchq Genesis and New Testament
About Tłchq

Tłchq (Dogrib) is a Na-Dene (Athabaskan) language. It is spoken by the First Nations Tłchq people in the Northwest Territories in Canada. It has the largest number of speakers of any of the Aboriginal language communities in the NWT, and is one of the official languages of the Northwest Territories.

About This Translation

This translation includes the book of Genesis and the New Testament in Tłchq. The first edition of the Tłchq New Testament was published in 2003. It was a historic event, as it was the first time in more than a hundred years that a complete New Testament was published for one of the Dene First Nations in the Territories. The first edition was well received and quickly sold out. In the meantime the book of Genesis had been completed. Consequently, the 2008 reprint of the Tłchq New Testament included Genesis.

Though this translation of the New Testament and Genesis took a total of ten years, the people who worked on it built on years of labor invested by the Tłchq people, elders, priests and missionaries, translators, educators, and linguists. The material contained in this book was checked and approved by consultants from Wycliffe Bible Translators and the Canadian Bible Society.

If you are interested in obtaining a printed copy of this Bible, please contact the Canadian Bible Society at <http://www.biblescanada.com>.

Copyright Information

Dogrib Genesis and New Testament © 2003, 2008 Canadian Bible Society

The text of the Bible in Tłchq that appears in this electronic format or website is for personal use only.

Up to five hundred (500) verses of the Bible text in any form (written, visual, electronic or audio) may be quoted without permission. The quoted verses may not be more than 50% of a complete book of the Bible, or more than 25% of the total text of the work in which they are quoted. Prior written

permission must be obtained for any other use of the text. Copyright acknowledgement must in all cases appear on the title or copyright page. For more information on copyright conditions or to apply, visit <http://www.biblesociety.ca/copyright>.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files dated 29 Jan 2022

dccb8cb-87c9-5afe-9ac6-f62c4ade3a81